

ब्रन्धविहाराणं

तत्त्व

पसत्थी

(प्रशस्तिः)



प्रेरका मार्गदर्शकाश्च सिद्धान्तमहोदधि-कर्मसाहित्यनिष्णाताः
आचार्यदेव श्रीमद् विजयप्रेमसूरीश्वराः



मुलग्रन्थकृद् वृत्तिकृतसम्पादकश्च-

धुनि-श्रीवीरशेखरविजयः

भारतीय-प्राच्य-तत्त्व-प्रकाशन समिति, षिडवाडा.

卐 श्री शंखेश्वरपार्ष्वनाथाय नमः 卐
सकलानामरहस्यवेदिपरमज्योतिर्विच्छ्रीमद्विजयदानसूरीश्वरसद्गुरुभ्यो नमः ।

बन्धविहाणं

तत्थ

पसत्थी

(प्रशस्तिः)

प्रेरका मार्गदर्शकाश्च :-
सिद्धान्तमहोदधि-कर्मशास्त्रनिष्णाता आचार्यदेवाः

श्रीमद्विजयप्रेमसूरीश्वराः

ग्रन्थकृतसम्पादकश्च-

प्रवचनकौशल्याधार-सिद्धान्तमहोदधिसुविशालगच्छाधिपति-परम-
शासनप्रभावक-कर्मसाहित्यनिष्णात-परमपूज्य-स्वर्गताचार्यदेवेश-
श्रीमद्विजयप्रेमसूरीश्वरविनिताऽन्तेवासि-निःस्पृहतासलिल-
निधि-परमगीतार्थ-परमपूज्याऽऽचार्यदेव--श्रीमद्विजय-
हरिसूरीश्वर-विनेयरत्न-मुनि-श्रीललितशेखर-
विजय-शिष्यरत्न-मुनि-श्रीराजशेखरविजय-

शिष्यः

मुनि श्रीवीरशेखरविजयः

प्रकाशिका:-भारतीय-प्राच्यतत्त्व-प्रकाशन-समितिः, पिडवाडा।

First Edition } Copies 500 }	DELUXE EDITION RS. 3 {	A. D. 1976
---------------------------------	------------------------	------------

AVAILABLE FROM :

1. Bharatiya Prachya Tattva Prakashan Samiti

C/o. Shah Ramanlal Lalchand,

135/137 Zaveri Bazaar

BOMBAY-2.

(INDIA)

2. Bharatiya Prachya Tattva Prakashan Samiti

C/o. Shah Samarathmal Raychandji,

PINDWARA, (Rajasthan)

St. Sirohi Road (W. R.)

(INDIA)

3. Bharatiya Prachya Tattva Prakashan Samiti

Shah Ramanlal Vajechand,

C/o Dilipkumar Ramanlal,

Maskati Market,

AHMEDABAD- 2.

(INDIA)

Printed by :

Gyanodaya Printing Press

PINDWARA. (Raj.)

St. Sirohi Road, (W.R.)

(INDIA)

BANDHA VIHANAM PASATTHI



Inspired and Guided by
His Holiness Acharya Shrimad Vijaya
PREMASURISHWARJI MAHARAJA
the leading authority of the day
on Karma philosophy.



Author & Editor
Muni Shri Virashekhharvijay



Published by—
Bharatity Prachya Tattva Prakasana Samiti, Pindwara
(INDIA)

प्रथम आवृत्ति:-

प्रति- ५००

राजसंस्करण-३) रु०

वीर संवत् २५०२

विक्रम संवत् २०३२

*** प्राप्तिस्थान ***

भारतीय-प्राच्यतत्त्व-प्रकाशन-समिति

C/o रमणलाल लालचंद शाह

१३५/१३७ झवेरी बाजार, बम्बई २

•

भारतीय-प्राच्यतत्त्व-प्रकाशन-समिति

C/o शा. समरथमल रायचंदजी

पिडवाड़ा, (राज०)

स्टे० सिरोही रोड (W. R.)

•

भारतीय-प्राच्यतत्त्व-प्रकाशन-समिति

शा. रमणलाल बजेचंद,

C/o दिलीपकुमार रमणलाल,

मस्कती मार्केट,

अहमदाबाद २.

•

मुद्रक—

ज्ञानोदय प्रिंटिंग प्रेस, पिडवाड़ा

प्रकाशकीय निवेदन

અમને જણાવતાં અત્યંત હર્ષ થાય છે કે અમારી સમિતિ દ્વારા ૬૬ ટુંક સમયમાં આજ સુધીમાં કર્મસાહિત્યનાં ૧૧ ગ્રંથરત્નો બહાર પડી ગયાં છે. અને બીજા પળ ગ્રંથો તૈયાર થઈ રહ્યા છે. તે સિવાય પ્રાચીનકર્મસાહિત્યના ગ્રંથો પણ અમારી સંસ્થાએ મુદ્રણ કરાવીને પ્રગટ કરેલ છે. એનું પણ આગલ કાર્ય ચાલુ છે.

आ कार्यना स्तम्भभूत प० पू० स्वर्गीय गुरुदेवश्री आचार्य
भगवंत श्रीमद् विजयप्रेमसूरीश्वर म० सा० नः अमारा उपर असीम
उपकार छे । तेनो अमे कोई रीते बदलो वाली शकीए तैम नथी.
तेओश्रीनो अमे कोटिशः वंदन साथे आमार मानोए छीए.

મુનિશ્રી વીરગેહરવિજયજી મં સાહેબ જેમને એકલી મૂલ-
ગાથાઓ જ જોવી હોય તેને અનુકૂલતા રહે એ લક્ષમાં રાખીને મૂલ-
ગાથાઓનું પ્રથમ પરિશિષ્ટ બનાવ્યું છે. અવસરે અભ્યાસીઓને મોડું
પુસ્તક જોવું ન પડે અને નાની પુસ્તિકાથી કામ ચાલી શકે એ
હેતુથી એ પ્રથમ પરિશિષ્ટની નાની પુસ્તિકા બનાવી આ અલગ પ્રકાશન
ફરવામાં આવી છે.

जो प्राकृतना अभ्यासीओ आ नाना ग्रन्थने वांचशे तो प्राकृत
भाषाना बोध साथे दुंकमां महापुरुषोना इतिहासनो पण सुंदर
बोध थशे एम अमारुं मानवुं छे. आथी आना संपादक पू० मु०
श्री बीरशेखरबिजयजी म० सा० ना पण अमे ऋणी छीए.

प्रकाशकीय निवेदन

नजीकना मविष्यमां बीजा नवा ग्रन्थोना प्रकाशननी आशामां-

(i) पिडवाडा

मवदीय-

स्टे. सिरोहीरोड (राज.) शा. समरथमल रायचन्दजी (मंत्री)

(ii) १३५/१३७

शा. लालचन्द छगनलालजी (मंत्री)

जोहरी बाजार बम्बई-२ भारतीय प्राच्य-तत्त्व प्रकाशन समिति

* समिति नुं ट्रस्टी मंडल *

- (१) शेठ रमणलाल दलसुखमाई (प्रमुख) खंभात
- (२) शेठ माणिकलाल चुनीलाल बम्बई
- (३) शेठ जीवतलाल प्रतापशी बम्बई
- (४) शा. खूबचन्द अवलदासजी पिडवाडा
- (५) शा. समरथमल रायचंदजी मंत्री पिडवाडा
- (६) शा. लालचंद छगनलालजी मंत्री पिडवाडा
- (७) शेठ रमणलाल वजेचन्द अहमदाबाद ।
- (८) शा. हिम्मतमल रुगनाथजी बेडा
- (९) शेठ जेठाळाल चुनीलाल घीवाले बम्बई
- (१०) शा. इन्द्रमल हीराचन्दजी पिडवाडा



❀ शुद्धिपत्रकम् ❀

६३, ९१, ९२, १०१, १०५, ११५, १३२, १४२, १५२, १६१, १७४,
१८६, १९२, १९५, १९६, २०६, २१३, ३११, ३४५ गाथाः
(पच्छाज्जा) बोद्धव्याः ।

पृष्ठाङ्कः	पंक्ति	अशुद्धिः	शुद्धिः
५	३	कत्त	कत्तं
१०	५	बुड्ढडेण	बुड्ढेण
१०	१९	महा०	जहण०
१७	३०	(कोलं)	(कोलो)
१८	६	०विमाणे	०सुपव्वे
१८	१२	६६५	६६४
२४	७	(पच्छापुब्बिगा जहणचवलागीई)	(पच्छागीई)
२६	१६	दिट्ठि	दिट्ठि
२८	२१	१६५४	१६८४
३४	१५	(दण्डकला)	(दण्डअलो)
३४	२०	०क्कीडिअ)	०क्कीडिअं)
३६	१६	१३५७. णद०/१४५५	१४५७, णंद०/१४९९
४५	८	सवेगिणी	संवेगिणी
४६	१०	(पच्छाज्जा)	(जहणचवला पच्छागीई)
४६	१६	(पच्छाज्जा)	(अंतचवला पच्छाज्जा)
४६	२६	(पच्छागीई)	(जहणचवलापच्छागीई)
५०	४	(अंतचवलापच्छागीई)	(पच्छागीई)



સમર્પણ

જેઓશ્રીએ આ સંસારરૂપી અટવીમાંથી ઉદ્ધાર કરી મને
મોક્ષરૂપી નગરીમાં જવા માટે સંયમરૂપી સન્માર્ગમાં ચઢાવીને
ગ્રહણશિક્ષા અને આસેવનશિક્ષા દ્વારા સતત બાર બાર વર્ષ સુધી
મોભિયાપણું બજાવ્યું,


જેઓશ્રીની અપાર વાત્સલ્ય પૂર્ણ કૃપાદૃષ્ટિથી જ હું
અતિગહન અને ગંભીર એવા કર્મસાહિત્યનું સર્જન સમ્પાદન અને
પ્રાચીન કર્મ સાહિત્યનું સમ્પાદન કરી શક્યો છું,

તે પરમ પૂજ્ય પરમોપકારી પ્રાતઃસ્મરણીય પરમશાસન-
પ્રભાવક કર્મસાહિત્યસૂત્રધાર સિદ્ધાન્તમહોદધિ સુવિશાલ ગચ્છા-
ધિપતિ પરમારાધ્યપાદ સ્વર્ગત આચાર્યદેવેશ—

શ્રીમદ્ વિજય પ્રેમસૂરીશ્વરજી મહારાજા ની
પરમ પવિત્ર સ્મૃતિમાં

આપનો કૃપાભિલાષી
—મુનિ વીરશેખરવિજય

કર્મસાહિત્ય ગ્રંથોના પ્રેરક, માર્ગદર્શક અને સંશોધક
સિદ્ધાન્તમહોદયિ સુવિશાલ-ગરુડાધિપતિ કર્મશાસ્ત્રરહસ્યવેદી શાસનશિરછત્ર
સ્વ. પરમપૂજ્ય



આચાર્યદેવ શ્રીમદ્ વિજયપ્રેમસૂરીશ્વરજી મહારાજ

॥ ॐ ह्रीं अहं नमः ॥
 ॥ श्रीशङ्खेश्वरपार्श्वनाथाय नमः ॥
 ॥ श्रीप्रेमसूरीश्वरसद्गुरुभ्यो नमः ॥
 सुनिवीरसेहरविजयविरह-
 बंधविहाण-

● पसथी ●

(प्रशस्तिः)

इह भरहे चउवीसा, अरहा अवसप्पिणीअ एभाए ।
 जाआ धम्माङ्गरा, अउलबला ते जयन्तु जगे ॥१॥ (पच्छाज्जा)
 सिरिणाहुब्भवबंस-ब्बोमाहुच्चो अणाणतमघाई ।
 जयउ कुणयपंकहरो, जिणीसरो बोहिअभवज्जो ॥२॥ (पच्छाज्जा)
 विस्सेऽखिले पहिअविस्सठिईअ कत्ता,
 लोगीसरो चउमुहो सिरिणाहिजम्मो ।
 मे दाउ सोक्खमजिओ पुरिसुत्तमो सो,
 कंदप्पदप्पजइसव्वविओ विसंको ॥३॥ (वसंततिलगा)
 कामग्घो रित्तदोसो, अहतहृदहणी, जो मिअक्को वि सामी;
 जेणोगस्सिं भवेऽत्तं, परमपयदुगं, चक्कितित्थंयरक्खं ।
 माहप्पा जस्स संतं, पुरगयमसिवं, गब्भआयायमेत्ता;
 कम्मारी जेण संता, स खलु हवउ वो, संतिदो संतिणाहो ॥४॥

(सद्धरा)

जेणं पाणिगहच्छला णवमवी-पीईअ राईमई;
 संकेअं करिऊण मुत्तिगमणे, मुक्खा कया साहुणी ।
 जाओ जस्स हरि त्ति सत्थगऽमिहो, बाहासिहाए हरी;
 मव्वाणं वितरेउ मंगलसिरिं, सो नेमिणाहो जिणो ॥५॥

(सद्दूलविककीडिअं)

जेणं झाणाउहेणा-ऽमिअबलवइणा, णासिओ कम्मपासो;
 माही जो सव्ववेई, सुरअसुरणर-स्सामिसंघातपासो, ।

जकखो पायज्जजुगं, भवजलहितरिं, जस्म सेवीअ पासो;
मव्वाणं विग्घवुंदं, हरउ दुहयरं, तित्थणाहो स पासो ॥६॥
(सद्धरा)

सिरिवीरो चरणंगुलेण फुसिअं, कम्पीअ देवायलं;
हरिसकं अवणोइउं जणिमहे, उप्पणमेत्तो वि जो ।
जयए जस्स दुहाकुले कलिजुगे, णिव्वाणदं सासणं;
मम सो दाउ सिवं भवज्जतरणी, तूहेसरो अंतिमो ॥७॥
(मत्तेहविकीडियं)

वीरा जेहिं, गहिअ तिवइं, गुम्हिआ बारसंगी;
णट्ठो वीर-ज्जुमणिउदये, जाणऽणाणंधयारो ।
अंगं जेसिं, पणमइ पहुं, कम्मसत्त णसन्ति;
कल्लाणत्थं, मइ गणहरा, होतु ते गोअमाई ॥८॥
(मंदककंता)

माणो वि चारित्तलाहस्स जस्स, रागोवि णाहस्स सेवाअ जस्स ।
सोगो वि केवल्लणाणस्स जस्स, चित्तं चरित्तं अहो गोअमस्स ॥९॥
(लयगाहिं)

स कप्पद्दुमाईहि ओमिज्जए किं, मणोवंछिआ पुरए जस्स णामं ।
सहत्थेण दिक्खाछलेणं विवाहो, कयो जेण मुत्तीअ सद्धं भवीणं ।१०॥
(भुजंगपयायं)

स गिहत्थे पण्णासं, वासा तीसं वयम्मि सव्वविए ।
बारस ठाउं सिद्धो, वीरसिवाऽद्दे दुवालसमे ॥११॥
(पच्छाज्जा)

रिसिंदू गच्छीसो, पढमजुगवरो, वीरपट्टाहिसित्तो,
सुहम्मो सो आसी, कयमविपया, जोगखेमो णिवोव्व ।

सुई जम्हा जाया, इह खलु मरहे, संतई सासणं जा;
 सुवित्तिण्णाऽग्गेऽग्गे, भविविमल्यरी, रायए जण्हइव ॥१२॥
 (सोहा)

सो गिहवासे वासा, पण्णासं तह वये दुआलीसा ।
 अड केवल्लिम्मि ठाउं, वीरसिवा सिवमिओ णहमिअऽददे ॥१३॥
 (पच्छागीई)

मंडित्था इंदुवत्तं, तिलयमिव पयं, तस्स सो जंबुसामी;
 सोहम्मक्केण फुल्लं, पवयणवसुणा, जस्स वेरग्गपोम्मं ।
 रम्मा कन्ना णवोढा, अड णवणवत्तिं, हेमकोडी य जो हि;
 चिच्चा सप्पव्व, कासी वसममिअरमं, कामुइं पंसुलं पि ॥१४॥
 (सद्धरा)

णत्थि विवेगो को वि य, जंबूसामिस्स जं अदासी जो ।
 संजमसिरिं सिवयरं, चोराण वि दंढजोग्गाणं ॥१५॥
 (पच्छाज्जा)

सो घरवासे सोलस, वासा वीसं वये जुगपहाणे ।
 अजपयवण्णा पूरिअ, वीरसिवाउ सिवमजपयंगददे ॥१६॥
 (पच्छागीई)

तत्तो मणपरमावहि-पुलागभाहारखवगुवसमा य ।
 कप्पतिसंजमकेवलि-सिवगमणं ति दस वुच्छिण्णा ॥१७॥
 (पच्छाज्जा)

तप्पट्टं, पहवपहू णयीअ सोहं;
 भूवालो णिअपिउणो णिवासणं ठव ।
 चोरेसो वि भविजणाण दावसी जो;
 सत्थेसो इव सिवल्लिच्छिमेत्थ चित्तं ॥१८॥ (पहस्सिणी)

थुव्वइ पभवपहुस्स कि-मपुव्वभग्गणिहिणो अहोभग्गं ।
हरिउं गओ जडसिरिं, जा ता लहइ स अपुव्वचरणसिरिं ॥१६॥
(पच्छागीई)

स गिहेऽणंगदसाऽहा, कहंगपमिआ वये जुगपहाणे ।
अंगमिआ ठाउं खं, वीरसिवाऽहे सरिसिसंखे ॥२०॥
(पच्छाज्जा)

विस्सक्खायवरो पएऽस्स स पहू, सोहीअ सय्यंभवो;
णिककासीअ मुणिदुसेअवयसा, सच्छेसणे तप्परो ।
जूवाहत्थिअसंतिणाहपडिमं, वेरग्गसमंबुहिं;
मोक्खाऽद्धादरिसं धराअहठिअं, णिहाणं व्व जो ॥२१॥
(सहूलविककीडिअं)

दसजुअं कयं, जेण वेआलियं; मनकसूणुणो, सत्थमोगाहिउं ।
जह णारायणो, अंबुहिं मंथिउं; अमररासिणो, उद्धरीआमयं ॥२२॥
(मेहावली)

वीरसिवाऽस्स जणी रस-विस्स (३६)मिएऽहे वयं जुगंग(६४)मिए ।
स जुगपहाणो भूइसि-(७५)मिए गओ दिवमिहणिहि (९८)मिए ॥२३॥
(पच्छाज्जा)

जसोभदो सूरी, स जयउ पए से गणवई;
जसोवण्णेणं से, सइ सयल्लोगे धवल्लिए ।
हरी अद्धि संभू, रयणगिरिमिंदो करिवरं;
विहुं राहू हंसं, विसमविसिहो मग्गइ अहो ॥२४॥
(सिहरिणी)

तस्य जनी वीराहे, दोचक्कि ६२ मिए वयं जुगिह ८४ संखे ।
स जुगपहाणो वसुणिहि ६८-मिए दिवमिओ गयमणु १४८ मिए ॥२५॥
(पच्छाज्जा)

अज्जो तस्स पए हवीअ विजओ, संभूअपुव्वो गुरू;
 बम्हेणं अमुणो पयावमुवमीकच्चं कयो तावणो ।
 जस्सऽस्सहहणिगगा वयणई, भव्वाहपंकावहा;
 देवीगीअजसं धरीअ कमणो, सोउं च्च अट्टस्सुइं ॥२६॥
 (सहूलविककीडियं)

जाओ स रसंग६६मिए-ऽहे पणपरमेट्टिगुण१०८मिअम्मि वयी ।
 जुगपवरो मिद्धिभुवण१४८-संखे खमिओ रसतिहि१५६मिए ॥२७॥
 (पच्छाउज्जा)

भद्दबाहू सतित्थो, सो तस्स बीओ जयेउ;
 गोरसाओ जहऽज्जं, पुव्वुद्धिओ जेण कप्पो ।
 भव्वलोगाण जेणं, सिद्धंतसोहं गमेउं;
 णिम्मिआओ अणेगा, दारव्व णिज्जुत्तिकाओ ॥२८॥
 (चंदलेहा)

कीरीअ जेण उवसग्गहरकखथोत्तं, घायस्स देवकयमारिउवह्वस्स ।
 संघावणस्सऽखिलविग्घविणासकारिं, सं दाउ मे स सुअकेवलिभद्दबाहू ॥
 ॥२९॥ (वसंततिलया)

जम्मोऽस्स जुगंक ६४ मिए, वासे वीरा वयं च णिहिविस्से १३६ ।
 स जुगपहाणो रसतिहि१५६-मिए खसंजम१७०पमाणे खं ॥३०॥
 (पच्छाउज्जा)

दाया सिद्धीअ मे सो, हवउ गुणणिही, थुल्लभद्दो गणिंदो;
 तप्पट्टाराममाली, गुणकुसुमजुआ, भव्वदू जो कुणीअ ।
 वीरो एगो च्च एसो, मयणजययरो, ऐमिणाहाइगओ;
 जेणं काउं पवेसं, मयणअहिबिले, कामसप्पो जिओ जं ॥३१॥
 (सद्धरा)

६]

मुणिवीरसेहरविजयविरइअ-

[गाथा ३२ तः

बारहवासदुकाला, तदा मुणिगणस्सिओ तओ गमणा ।
जाया सुत्तज्झयणे, महई खलणा तदुवसंते ॥३२॥
(पच्छाज्जा)

संवेण कारिआ सुअ-अवणत्थं सुत्तवायणा पढमा ।
फाडलिपुत्ते समये, गुरुणो सिरिथूलभट्टस्स ॥३३॥
(पच्छाज्जा) (जुगं) ।

से जणणं णिवकु ११६ मिए, वीरसिवाइ वयं रसिंद १४६ मिए ।
जुगपवरो स खसंजम १७०-मिए गओ खं तिहिसमर १५ मिए ॥३४॥
(पच्छाज्जा)

तत्तो चउरो अंतिम-पुव्वाइं च महपाणझाणं च ।
समचउरंसं च वइर-रिसहणरायं च वुच्छिन्नं ॥३५॥
(पच्छाज्जा)

एट्टजिणकप्पविहिसंतुलणयरो, णिप्पिहसिरोरयणअज्जमहगिरी ।
रंकणिवकारगसुहत्थिमुणिवई, से रविविहू विव सहीअ पयणहे ॥३६॥
(इंदुवयणा)

जो संपई भूमिवई विहारं, मुणीण कारीअ अणज्जदेसे ।
तिखंडभूमिं जिणमंदिराणं, सपाअलक्खेण अलंकरीअ ॥३७॥
(उवजाई)

काराविआ णिवेणं, बीआगमवायणा अवंतीए ।
णिगंथाणं परिसं, मेलिय तेण सुअरक्खत्थं ॥३८॥
(पच्छाज्जा)

महगिरिणो बाणिंदे १४५, वीरसिवाइ जणी सरिसिकु १७५-मिए ।
दिक्खा स जुगपहाणो, तिहिइत्थे २१५ दिवमिसुजिणर ४५ मिए ॥३९॥
(पच्छाज्जा)

जम्मो सुहत्थिणोऽहे, कुणिहिविहु १६१ मिए वयं खगकरथणे ।
जुगपवरत्तं सरजिण२४५-मिए दिवं भूणिहिसय२९१मिए ॥४०॥
(पच्छाज्जा)

अज्जसुहत्थिगुरुं जा, हवीअ गच्छाहिवा च्च आयरिआ ।
सव्वे जुगप्पहाणा, पुठ्वहरा वायणादाऊ ॥४१॥
(पच्छाज्जा)

सूरिमतस्स जवकोडिओ, गच्छणा॥मो जओ कोडिओ;
णिगगओ इक्खुगहणा जिणा, आइमिक्खागुवंसो जहा ।
लोअणाइं भिव सुहत्थिणो, पट्टवत्तम्मि सोहीअ जे;
सुट्ठिअसो सुपडिबुद्धगो, ते गुरु दिन्तु भव्वाण सं ॥४२॥
(वल्लकी)

वीराऽग्गिजुगकर २४३ मिए-ऽहे सुट्ठिअसूरिणो जणी दिक्खा ।
गइणस्सत्ते२७४ सूरी, कुणिहिकरे२९१ स खगवणिहिविस्से ३३६ खं॥
॥४३॥ (पच्छागीई)

कुमरिगिरिम्मि मुणीणं, तइआगमवायणा उ सिं काले ।
सुअंगहस्स काराविआ कलिगणिवभिक्खुराएणं ॥४४॥
(अंतविपुलाजहणचवलागीई)

सिरिगुणमुन्दरसूरी, एगारसमो तथा जुगपहाणो ।
वीसिवाऽहे जिणवय-गुणथणसंखेऽस्स आसि जणी ॥४५॥
(पच्छाज्जा)

णहुज्झायगुणमिए, स दिक्खिओ भूमिगहभुजपमाणे ।
हँसी जुगप्पहाणो, सग्गमिओ विसयभुइकाले ॥४६॥
(पच्छाज्जा)

अज्जमहागिरिसीसा, बहुलबलिसहा उ वायणायरिआ ।
आसि जमलभाऊ तो, वायगवरसाइसूरीसो ॥४७॥
(पच्छाज्जा)

तत्तो जुगप्पहाणो, बारसमो आसि वायणायरिओ ।
 सामायरिओ कत्ता, पण्णवणऽक्खस्स सुत्तस्स ॥४८॥
 (पच्छाज्जा)

इंदगो सीमंधर-पहू वि संसीअ जस्स सुभणाणं ।
 सो जाओ वीराऽहे, सुरपहसिद्धगुणसव२८०सङ्खे ॥४९॥
 (पच्छाज्जा)

तिसये३०० वासे दिक्खं, गिण्हीअ समिइकिसाणुवेअ३३५मिइ ।
 जुगपवरो तिदसमिओ, लेसारज्जंगजोग३७६मिइ ॥५०॥
 (पच्छाज्जा)

रिसिद्धुणा पट्टसिरी विमासी, ताणिददिण्णेण स ताअ भासो ।
 जहा णिसा भाइ णिसायरेणं, णिसाअ भाएइ णिसायरो वि ॥५१॥
 (उज्जाई)

तस्समये गुरुबंधू, पिअगंथक्खो पहावगो सूरी ।
 कयबम्हणपडिबोहो, जयेउ सच्चरणगुणनिलयो ॥५२॥
 (पच्छाज्जा)

सीसे मोलिठव सोहीअ, इंददिण्णस्स सूरिणो ।
 पट्टम्मि सिरिदिण्णक्खो, गणिंदो सूरिपुंगवो ॥५३॥
 (अणुट्ठुअं)

तस्स पढमो विणेयो, अज्जम्मिसरिसंतिसेणिआयरिओ ।
 मूलं आसि चउण्हं, साहाणं सेणिआईणं ॥५४॥
 (पच्छाज्जा)

आसि तयाणि अणेगा, पहावगा तेसु वायणायरिओ ।
 तेरसमो जुगपवरो, ँसंडिलसूरी य अज्जजीअहरो ॥५५॥
 (पच्छागीई)

तस्संगखदंडेऽहे, जणी वयं हस्थिहत्थवणिहमिए ।
 अंगणिरयरामे जुग-वरो स वेअकुजुगम्मि दिवं ॥५६॥
 (पच्छाज्जा)

तो आसि जुगपहाणो, चउदसमो सूरिरवेतीमित्तो ।
 वीराऽस्स जणी वारण-रयणविसिहगुत्ति ३५२ संखेऽहे ॥५७॥
 (पच्छाज्जा)

णखेत्तेगदिसारवि-सल्ल ३६६पमाणे वयं जुगपहाणो ।
 सुअभेअसुरिहदसरो ४१४, स गओ खविसयगइम्मि ४५० दिवं ॥५८॥
 (पच्छाज्जा)

आसी अज्जसमुद्धो, समुद्गंभीरवायणायरिओ ।
 तिसमुद्धवायकित्ती, दीवसमुद्धेसु गहिअपेआलो ॥५९॥
 (पच्छागोई)

जेण तइअपाहुडओ, पंचमपुवस्स दसमवत्थुस्स ।
 रइअं कसायपाहुड-सुत्तं जयउ खलु स गुणधरसूरी ॥६०॥
 (पच्छागीई)

स मवउ कालअसूरी, मम सिवदो गहमित्तछेअयरो ।
 जेण कयं महपव्वं, चोत्थीए पंचमीहिन्तो ॥६१॥
 (पच्छाज्जा)

विज्जासिद्धो जेआ, बंभणवोद्धाण खउटसूरी सो ।
 जयउ जगे तस्सीसो, महिदसूरी वि सिद्धुवज्जायो ॥६२॥
 (पच्छागीई)

सिरिरुद्धेवसूरी, जगे जयउ जोणिपाहुडसुअणू ।
 सिरिसमणसिहसूरी, णिमित्तविज्जापट्ट जयउ ॥६३॥
 (पच्छापुठिगिगा सव्वचवलाज्जा)

मणगो करगो झरगो, पहावगो जयउ वायणायरिओ ।
 सिरिअज्जमंगुसूरी, उत्तीणागाहसुअजलही ॥६४॥
 (पच्छाज्जा)

१०] मुणिवीरसेहरविजयविरइअ- [गाथा ६५ तः

स महाविज्जासिद्धो, अपुण्वसुयसागरो णहोगामी ।
जयउ महगुणी पणू, पालित्तो बालवयसूरी ॥६५॥
(पच्छाज्जा)

बुडढ्ढेण वि जेण किवं, सरस्सईअ लहिऊण कुसुमजुअं ।
मुसलं पि कयं खाओ, सो सूरी बुड्ढवाइ त्ति ॥६६॥
(पच्छाज्जा)

सीसो तस्स गुणणिही, महाकवी विततसासणपहावो ।
उत्तिण्णसमयजलही, पबोहगो विक्कमाइभूवाणं ॥६७॥
(पच्छाणीई)

सिवलिगफोडणं जो, विहाय कल्लाणमंदिरथवेणं ।
पयडीअ महपहावग-मवंतिपासपहुणो बिबं ॥६८॥
(मुहचवलापच्छाज्जा)

सम्मइतक्काइगणय-गंथानं कारगो अणेगाणं
जयउ जगम्मि स सूरी, दिवायरो सिद्धसेनगुरू ॥६९॥
(पच्छाज्जा)

ताउ सिरिधम्मसूरी, हवीअ पंचदसमो जुगपहाणो ।
जम्मोऽस्स वीरमोकखा, सयंकपावग३६२पमाणोऽद्दे ॥७०॥
(पच्छापुण्विगा महाचवलाज्जा)

विगइजुएऽदिसयमिए, गेण्हीअ वयं स खऽक्खगइ४५०माणो ।
जुगपवरो आसि गओ, सगं गोत्थणखगकसाये४६४ ॥७१॥
(पच्छाज्जा)

स सीहसूरी गुरुदिण्णपट्ठे, सोहीअ इंदूमिव अंतरिक्खे ।
भवीण अण्णाणरिउस्स सीसं, छिंदोअ खगो इव जस्स वाणी ॥७२॥
(उवजाई)

विज्जागुरु सिरिवइर-सामिस्स य भद्दुत्तसूरिदो ।
जयउ जगे दसपुव्वी, ता सोलसमो जुगपहाणो ॥७३॥
(पच्छाज्जा)

तस्स जणी वीराऽहे, विअद्धसुरयावसाणजमजामे४२८ ।
णक्कत्तवीहिसायर-जोवणकोसे ४४६ स आसि वयी ॥७४॥
(पच्छाज्जा)

अभिणयसत्तिदिसे४६४ जुग-पवरो आसायणिंदिये५३३ स्वमिओ ।
वंदे हं विज्जहिं, सिरितोसलिपुत्तमायरिअ ॥७५॥
(पच्छाज्जा)

जयउ सिरिगुत्तसूरी, लोए सत्तरसमो जुगपहाणो ।
वीरा करिजलधिजुगे४४८-ऽद्दे जम्मोऽस्स वयमग्गिबसुवेए४८३ ॥७६॥
(पच्छागीई)

स हवीअ जुगपहाणो, लिंगऽग्गिसरे५३३ दिवं गयऽहिसरे५४८ ।
हवउ मम मंतविज्जा-कुसलो सिवदो समिअसूरी ॥७७॥
(पच्छाज्जा)

सिअयरो भविकुमुदविकासे स जयेउ वइरविहू;
वइरसाहा जम्हा पहवीअ जहिसियोत्ता विहू ।
जं ससुअमालिगिउमुत्तसीअ साहुरयणेहिं;
जुओ सिंहगिरिगुरुपयऽद्धी सिरिवेलाकरेहिं ॥७८॥
(चितलेहा)

हिंडोलगत्यो वि छमासिओ जो, एगादसंगि सुअपुव्वजम्मो ।
पढीअ बालो वि अबालतेजो, किं दुक्करं अत्थि महापुमाणं ॥७९॥
(उवजाई)

अक्खोहिओ रायसहाअ माउ-प्पलोहणेहिं मुणिसत्तमो जो ।
परिक्खिउं जस्स सुरेण दत्ता, वेउव्वलद्धी णहगामिविज्जा ॥८०॥
(उवजाई)

संघो ठवेऊण पटम्मि णीओ, दुब्बिमक्खदेसाउ सुमिक्खदेसं ।

दयाऽद्धिणा जेण भवाउ भोक्खं, खित्ता विमाणे विणिणीसुणाव्व ॥८१॥

(उवजाई)

सुवण्णकोडीजुअरुप्पिणि जो, दिक्खीअ संबुद्ध सरागकण्णं ।

पवोहिओ बोद्धमयाणुसारी, भूवो वि जेणं पउरेहि सद्धं ॥८२॥

(उवजाई)

वीराऽहे रसणिहिजुग (४६६)-मिए जणी से वयं बलखअगे (४९६।५०४)

मइगुणसंघसरे (५४८) जुग-पवरो स दिवं जुगगयसरे (५८३) ॥८३॥

(पच्छाज्जा)

चरमो अवि दसपुव्वी, सो दसपुव्वीण अचरमो जाओ ।

तो बुच्छिण्णाणि तुरिअ-भागिइसंघयणदसमपुव्वानि ॥८४॥

(पच्छागीई)

आसी तथाऽज्जरक्खिअ-सूरी गुणवीसमो जुगपहाणो ।

जेण विहत्तो चउहा, अणुभोगो कालमासिज्ज ॥८५॥

(पच्छाज्जा)

वीरा सबसमखेऽहे, जम्मोऽस्स वयं च वेअवेअसरे ।

थंमिहसरे ५८४ जुगवरो, स गओ दिवमस्सणिहिभूए ५६७ ॥८६॥

(पच्छाज्जा)

तो वीसमो जुगवरो, दुब्बलिआपुण्फमित्तसूरिवरो ।

जम्मोऽस्स वीरमोक्खा-ऽहे णहसाययविसयि ५५०माणे ॥८७॥ (पच्छाज्जा)

गेण्हीअ स पव्वज्जं, सायरपउज्जत्तिहरमुह ५६७ पमाणे ।

जुगपवरोऽस्सणिहिसरे ५६७, हवीअ संजमरिउम्मि ६१७ दिवं ॥८८॥

(पच्छाज्जा)

अइकुसलं रयणत्तय-पंचाचारेसु वायणायरिअं ।

नमिऊणत्थवकारं, वंदे तं णंढिलायरिअं ॥८९॥

(पच्छाज्जा)

रिउजयस्स णिवस्स सेणाअ इवंगच उक्कं;
 हवीअ जस्स णिजचउविणेयाण कुत्तच उक्कं ।
 जयउ वहरसेणो स णिवइणा मिव रज्जधुरा;
 ऊढा जेणं पहुणा वज्जसामिपट्टधुरा ॥६०॥
 (चंदलेहा)

वीराक्खिणिहिजुगे ४६२ ऽहे, जाओ सो दिक्खिओ कुगगणसरे ५०१ ।
 संजमरसे ६१७ जुगवरो, हवीअ खमिओ णहगुहमुहे ६२० ॥६१॥
 (पच्छापुन्निवगा अंतचवलाज्जा)

ताउ अखिलकम्मविसय-णाणहरो णागहत्थिसूरिवरो ।
 बावीसमो जुगवरो, जयउ जगे वायणायरिओ ॥६२॥
 (पच्छापुन्निवगा जहणचवलाज्जा)

वीराऽग्गिहयसरे ५७३ ऽहे, जाओ सो दिक्खिओ करंकसरे ५६२ ।
 णहविगइम्मि ६२० जुगवरो, आसि दिवमिओ णिहिगयरसे ६८६ ॥६३॥
 (पच्छाज्जा)

मंदरणगे सुरतरुव्व सोहीअ विग्घहरो;
 पट्टम्मि वहरसेणास्स स चंदसूरीसरो ।
 णामो गच्छस्स चंदकुलो खलु जओ जाओ;
 मागीरही व सुरणईअ मागीरहणिवाओ ॥६४॥
 (ललिता)

तमहरो भवियलोगस्स सामंतमदसूरी;
 जयउ स गुरु चंदसूरीसपट्टवोमसूरी ।
 कुरंगारी व विसया विरत्तो वणे वसीअ ।
 तओ वणवासी गणस्स जाउ णामो हवीअ ॥६५॥
 (महुयरी)

विमुत्तिपहदंसी जो झओ व मासी, सामंतमहसूरीसपट्टधामे ।
स खतत्तंगेऽहे बुडुदेवसूरी, जयउ परिठविअकोरंटगवीरचो ॥६६॥
(नत्तगई)

तइ सिरिजज्जगसूरी, वीरपइट्टं कुणीअ सच्चउरे ।
णाहडकयजिणभवणे, वीरा खहयीइ६७०मिअवासे ॥६७॥
(पच्छाज्जा)

जगम्मि अण्णाणतमस्स णासगो, संसोसगो दुण्णायकदमाण जो ।
भवज्जरासीअ पओहगो गुरु, पज्जोयणोऽग्घीअ स देवपट्टखे ॥६८॥
(संखणिही सुणंदिणी वा)

अज्जं तं माणदेवं, गुणगणणिलयं, पासिऊणं वरीअ;
णेच्छंती पट्टकण्णा, इयरपइवरं, सूरिपज्जोयणस्स ।
अंसुप्पि बंभिलच्छी, पयविहिसमये, विक्ख से भाविभंसो;
एवं खिण्णं गुरुं जो, कलिअ छ विगई भत्तभिव्खं चयीअ ॥६९॥
(सद्धरा)

दट्ठुं जं पउमाइसेविअपयं, सक्खं थिजुत्तो अयं;
एवं कोऽवि विमूढसंकिअमणो, ताहिं णरो सिक्खिअओ ।
णड्डूलक्खपुरत्थिअओ वि सरये, वारीअ संतिथवा;
जो सागंभरिपट्टगुत्थमरयं, तत्थुज्जसद्धथणा ॥७०॥
(सद्धूलविककीडिअं)

तेवीसमो जुगवरो, स वायणायरिअरेवतीमित्तो ।
वीराऽहेऽस्स जणी जिण-कमलअवत्थाऽलिपय६३६संखे ॥७१॥
(पच्छापुन्निवगा मुहचवलाज्जा)

णेण्हीअ स दिक्खं णो-कसायमहजागवइरकोण (६५९) मिए ।
जुगपवरो खगिहरसे (६८९), खमिओ णगलोगपालणये (७४८) ॥७२॥
(पच्छाज्जा)

पेऊसंसुव्व सोम्मो, स णयइ हरिसं, माणदेवाहिवस्स;
वत्ती पट्ट्हिसिगे, मविगणजलहिं, माणतुंगक्खसूरी ।
भूवं बोहीअ भत्ता, तण्णुठिअणिगडा, चित्तिअं पंडिहिं;
थोत्ता भत्तामरा जो, जह मयइसया, पाअपासा करेणू ॥१०३॥
(सद्धरा)

जेणं कयो भीइहरो जणाणं, रक्खाअ थोत्तो नमिऊणसण्णो ।
पउट्टदेवाइकओह्वेहिं, दुग्गोव्व भूवेण रिऊह्वेहिं ॥१०४॥
(उवजाई)

चउवीसमो जुगवरो, स वायणायरिअसिहसूरिवरो ।
जम्मोइस्सइ वीरा, हरबाहुतुरंगम७१०पमाणो ॥१०५॥
(पच्छापुन्निगाइचवलाज्जा)

गेण्हीअ संजमं सो, आयारपक्कवाह७२८संखेइ ।
मंगलुवायहये ७४८ जुग-वरो गओ खं रसकरगये ८२६ ॥१०६॥
(पच्छाज्जा)

वायगवरो सिरिउमासाई, तत्तत्थसुत्तआईणं ।
कत्ता गेगाण जयउ, पुअविदो घेसणंदिपट्टहरो ॥१०७॥
(पच्छागीई)

मउलिव्व वरेण्णंगं, विभूसीअ पइंदिरं ।
माणतुंगक्खसूरिस्स, वीरसूरी गणीसरो ॥१०८॥
(अणुट्ठुभं)

पइट्टं णमिपासाए, णागपुरे करीअ जो ।
वीरा सुरद्धपायाल-क्खेत्त७७०इ किंचिसाहिए ॥१०९॥
(अणुट्ठुभं)

सूरीसरो सो जयदेवसण्णो, दूरीकयासेसकुवाइवुंदो ।
भूसीअ वीरायरिअस्स पट्टं, जहा सुको चूअतरुस्स साहं ॥११०॥
(उवजाई)

१६] मुणित्रीरसेहरविजयविरइअ- [गाथा १११ तः

महुराअ वायणाए, कत्ता सो जयउ खंदिलायरिओ ।
जस्स इमो अणुओगो, पयरइ अडुमरहेऽज्जावि ॥१११॥
(पच्छाज्जा)

तत्तत्थमासकारो, जयेउ एगादसंगवित्तियरो ।
सिरिमहुमित्तविणोयो-ऽज्जगंधहत्थी तिपुठवणू ॥११२॥
(मुहचवलापच्छाज्जा)

हिमवंतल्लमासमणो, पुठवविओ जयउ वायणायरिओ ।
विक्कंतबहुपएसो, कालिअसुअधारगो धीरो ॥११३॥
(पच्छाज्जा)

सिरिणागज्जुणसूरी, जयेउ पणवीसमो जुगपहाणो ।
ओहसुअसमायारी, चरणणिही वायणायरिओ ॥११४॥
(पच्छाज्जा)

वीराऽग्गिणिहिहये७९३ऽहे, जाओ सो विक्खिओ ह्यब्भमये८०७ ।
रागथणिहे ८२६ जुगवरो, हवीअ खमिओ जुगणहंके ९०४ ॥११५॥
(पच्छापुठिवगांतचवलाज्जा)

रिद्धि परं णयीअ सूरिजयदेवपट्टसिरिः
देवाणंदसूरिवरो अह वरदुमगणो गिरिं ।
जस्स पसरिअकित्तिअच्छायणेण छण्णामरा,
ण हवन्ति लोगाण चम्मच्छीण णयणगोअरा ॥११६॥
(कुसुमिया)

सिरिमल्लवाइसूरी, तथा हवीअ महवाइजिअबोद्धो ।
कत्ता सम्मइटीगा-पम्हचरित्तणयचक्काणं ॥११७॥
(पच्छापुठिवगा-मुहचवलाज्जा)

छव्वीसमो जुगवरो, स वायणायरिअभूअदिण्णगुरू ।
वीराऽस्स जोगिणीवसुद्ध-संखे वासे हवीअ जणी ॥११८॥
(पच्छाज्जा)

करिदंससिद्धिसिंदुरद्ध-मिए लहीअ स वयं जुगपहाणो ।
पुरिसत्थबिंदुतत्ते ६०४, रामागम्मविलयाखगे ९८३ खमिओ ॥११९॥
(पच्छागीई)

सीअसू वासतेइं, सप्पियं णंदएव,
जो देवाणंदसूरि--स्सामिणो पट्टलच्छि ।
हंतुं किं मोहसेणं, विक्कमो देहधारी;
सो सूरी विक्कमकखो, दाउ सोक्खं भवाणं ॥१२०॥ (लच्छी)
सिरिसिवसम्मायरिओ, कम्मपयडिबंधसयगणिम्माआ ।
विज्जाही पुव्वहरो, जयउ तयाऽण्णेगवायलद्धजयो ॥१२१॥
(पच्छागीई)

सिरिचंदरिसिमहत्तर-गुरू जयउ पंचसंगहक्खं जो ।
गंथं रयीअ संगह-रूवं पंचसयगाईणं ॥१२२॥
(पच्छाज्जा)

स आगमविदो णरसिहसूरी, हवीअ सिरिविक्कमसूरिपट्टे ।
अमुस्स उवएसगिराअ जक्खो, चयीअ णरसिहपुरम्मि मासं ॥१२३॥
(कोलं)

पंचासो तमसिधुरम्मि तिलगं, खोमाणरायणणे;
सो आसी णरसिहपट्टकमत्ते, सूरी समुद्दाभिहो ।
चाए जेण दिगंसुगा विजइउं, णागद्रहे मंदिरं;
आणीअं सवसं णिवेणिव गढो, सत्तु जइत्ता रणे ॥१२४॥
(सद्धूलविककीडीअं)

सिरिलोहिच्चारिओ, णाया णायगमाइसत्ताणं ।

तत्तपरुवणकुसलो, जयउ जगे वायणायरिओ ॥१२५॥

(पच्छाज्जा)

पाडिच्छियसयकलिअं, मिउमहुरगिरं णमामि दूसगणिं;

सुअअणुओगयरपडुं, पावयणिगवायणायरिअं ॥१२६॥

(पच्छाज्जा)

सगवीसमो जुगवरो, कालिअसूरी स वायणायरिओ ।

तस्स जणी वीराइ, गणीसगेविज्जयविमाणे १११ ॥१२७॥

(पच्छाज्जा)

सूयगडउज्जयणबले १२३, दिक्खं गेण्हीअ सो जुगपहाणो ।

हवणवसुगदे १८३ सगं, गओ दिसाविण्डुवूहखगे ११२८॥

(पच्छाज्जा)

सुत्तत्थरयणरोहण-गिरिं लमादमणमहवगुणद्धिं ।

देवद्विस्समासमणं, वंदे तं वायणायरिअं ॥१२९॥

(पच्छाज्जा)

जेण कओ पाठाणं, समण्णओ वायणादुगगयाणं ।

वलहीअ वायणाए, पहुणा सह कालगज्जेणं ॥१३०॥

(पच्छाज्जा)

अडवीसमो जुगवरो, अंतिमपुठ्वहरसच्चमित्तगुरु ।

से जम्मो वीराइ, दिसक्खविक्कमसहारयणे १५४ ॥१३१॥

(पच्छाज्जा)

इत्थीकलाणिहि १६४ मिए, वयं लहीअ स हवीअ जुगपवरो ।

चउमुहमुहगुत्तिगदे १९४, गओ दिवं इगसहस्समिए १००१।०॥१३२॥

(पच्छापुठ्विगा मुहचवलाउज्जा)

सिरिहारिलसूरिवरो, हवीअ गुणतीसमो जुगपहाणो ।
जम्मो तरस अवत्था-जामणिहाणम्मि ६४३-६५४ वीराऽहे ॥१३३॥
(पच्छाज्जा)

सो खतुरंगमणंदे ६७१।६७०, दिक्खं गेण्हीअ खणहसुण्णबुद्दे १००१।० ।
होसी जुगप्पहाणो, दिवं गओ भूइसुखचंदे १०५५ ॥१३४॥
(पच्छापुण्विगा जहणचवलाज्जा)

णाणंबुही मुणिवई हरिमद्दमित्तं, पट्टे समुद्गुरुणो गुरुमाणदेवो ।
पावीअ मंदविगयं सुइसूरिमंतं, जो विस्सविस्सुअजसो तवसंबिकास्सा
॥१३५॥ (वसंततिलगा)

जयउ हरिभट्टसूरी, तथा पहावी अपुव्वमइपइहो ।
जलआसयजललआसय-मगुगंथयरो विजिअबोद्धो ॥१३६॥
(पच्छाज्जा)

वासे लहीअ सगं, सो तक्किक्कमोलिभूसणो वीरा ।
सरिसुसमबुहपमाणे, बाणगयासुअमिए भूवा ॥१३७॥
(पच्छाज्जा)

जुगपवरो तीसइमो, जिणभट्टगणी गुरू खमासमणो ।
जयउ तथागमवाई, कत्ता ज्ञाणसयगाइगंथाणं ॥१३८॥
(पच्छागीई)

हरसवसये जुएऽहे-ऽस्स जणी रुहे हि १०११मावणाहि १०२५ वयं ।
सरिसूहि १०५५ हवीअ स जुग-पवरो खमिओ य सिद्धगणे १११५ ॥१३९॥
(पच्छाज्जा)

स माणदेवामिहसूरिपट्टे, राईअ सूरी विबुहप्पहक्खो ।
मन्वज्जबोधेकविमावरीसो, पावीअ सिट्ठं विबुहप्पहं जो ॥१४०॥
(उवजाई)

हेमगिरिम्मि पंडुगवणमिव दिप्पए, जयाणंदसूरी सो विबुधपहपए ।
अगाधमज्झो समयद्धी वित्तिण्णो, अभंगभंगो गहणो जेणुत्तिण्णो ॥१४१॥
(आवली)

आसी स साइसूरी, तथाणि इगतीसमो जुगपहाणो ।
जम्मोऽस्स खसिद्धिजुए १०८०, वीरा-ऽददे संभुकणसये ॥१४२॥
(पच्छापुत्तिवगा मुहचवला अज्जा)

संकरसयम्मि ११०० दिक्खा, परमाहम्मिअमहीसर १११५पमाणे ।
स हवीअ जुगपहाणो-ऽवमतत्तसद्धपडिमे ११६० खमिओ ॥१४३॥
(पच्छाज्जा)

मंमथो तिरक्कओ सिरीए, जस्संगस्स हवीअ किं अणंगो ।
जयउ जयाणन्दसूरिपट्टे, रविपहसूरी सो गणस्स सामी ॥१४४॥
(ओवछंदसयं)

णड्डुलपुरम्मि कया, जेणं सिरिणेमिचैइअपड्डा ।
भूवा सत्तसयेऽददे ७००, वीरा गुरुपयजिणाहिअमहस्से ११७० ॥१४५॥
(पच्छागीई)

उत्तिण्णसत्तजलही, स जयउ आयरिअसिद्धसेणगणी ।
जो तक्किक्कमोलिमणी, रईअ तत्तत्थटीगाई ॥१४६॥
(पच्छाज्जा)

सिरिपुप्फमित्तसूरी, हवीअ बत्तीसमो जुगपहाणो ।
तस्स जणी वीराऽददे, करवयवीरगणहरमाणे ११५२ ॥१४७॥
(पच्छापुत्तिवगाइचवलाज्जा)

वोमविगइगण ११६०संखे, पव्वज्जा सुण्णवीरगणरुदे ११६० ।
स हवीअ जुगपहाणो, सगमिओ णइसरक्क १२५०मिए ॥१४८॥
(पच्छाज्जा)

तरलुव्व स जसोदेवो सरस्सइकंठभूसणो,
गुरु सोहीअ रविप्पहसूरिपयहारभूसणो ।
कुवाईणं अवजसकहमेहि खलु सामीकया,
दिसा जस्स जसोगंगाणीरेहि विमलीकया ॥१४६॥

(चित्तलेहा)

सिरिसंभूयमुणिंदो, हवीअ तेत्तीसमो जुगपहाणो ।
तस्स सबलमुणिपडिमा १२२१-संखे वासे जणी वीरा ॥१५०॥
(पच्छाज्जा)

सिद्धाइगुणगिहिवये १२३१, रोण्हीअ वयं स आसि जुगपवरो ।
बिंदुसमिइतवमाणे १२५०, मग्गमिओ सुण्णदुगविस्से १३०० ॥१५१॥
(पच्छाज्जा)

सिरिबप्पभट्टिसुरी, जगे जयउ आमरायबोहयरो ।
बालो वि अमियतेजो, विज्जही लद्धवंमिवरो ॥१५२॥
(मुहचवलापच्छाज्जा)

जम्मोऽस्स मयसये ८००ऽद्दे, पिवा लहीअ स वयं मुणीहि ८०७ जुए ।
सम्भूहि ८११ आसि सूरी, खमिओ रुद्धास्सगुत्तीहिं ८९५ ॥१५३॥
(पच्छाज्जा)

विअडूपज्जुण्णगुरु विमासी, मवीण पज्जुण्णदवग्गिमेहो ।
विअडूपज्जुण्णसमो गणिंदो, जसाइदेवस्स पईससेले ॥१५४॥
(उर्विदवज्जा)

माढरसंभूअगुरु, होसी चउतीसमो जुगपहाणो ।
जाओ वीरा वासे, स अहोरत्तघडियागुहक्खि १२६० मिए ॥१५५॥
(पच्छागीई)

सत्तरिसुरगुरुहत्थे १२७०, लहीअ वयमासि उण जुगपहाणो ।
अज्जजिणमवसयमिए १३००, खचक्किविस्से १३६० दिवं पत्तो ॥१५६॥
(पच्छाज्जा)

जसत्तिमगाजलपूअवीसो, सो माणदेवायरिओ गयोसो ।

सोहीअ पज्जुणमुणिदपट्टे, गंधो कओ जेणुवधानवच्चो ॥१५७॥
(उवजाई)

सिरिधम्मरिसो सूरी, आसी पणतीसमो जुगपहाणो ।

किरियाठाणसयेऽहे, वीरा जम्मोऽस्स मावणाहि १३२५ जुए ॥१५८॥
(पच्छागीई)

चत्ताअ १३४० जुए स वयं, लहीअ अहिअम्मि लेसकट्टाहिं १३६० ।

होसी जुगपहाणो, रयणसये १४०० देवलोगमिओ ॥१५९॥
(पच्छाज्जा)

अहीअ गोवगिरिमाणववासवो जं,

सज्जं जिअम्मि सइ ही विसमे वि वाए

सो माणदेवपयपम्हमलंकारीअ,

कल्लाणसिद्धिविमल्लिदुगुरु विहुव्व ॥१६०॥

(वसंततिलगा)

गगारिसिसूरिसीसो, पहावगो आसि सिद्धरिसिसूरी ।

उवमिइमवप्पपंच-क्खमहकहाईण णिम्माआ ॥१६१॥

(पच्छापुण्विगा मुहचवलाऽज्जा)

गणाहिवो आसि विमल्लिदुसूरिणो;

पए स उज्जोअणमुणीसवाससो ।

उवस्समाणो मुणिसयेहि तीहि जो;

वडक्खगच्छस्स हि अबीअभूसणो ॥१६२॥

(मंजुमासिणी)

सोम्मं सोम्मेण खमं, खमाअ थिरयाअ जयइ मेरुगिरिं ।

गंभीरत्तेणुअहिं, सरीरलच्छीअ कामं जो ॥१६३॥

(पच्छाज्जा)

वीरा इंदसर १४६४ मिए, वासे भूवा जुगंकतत्त ६६४ मिए ।
 अब्बुयगिरिजत्तत्थं, समागओ पुव्वभूमीओ ॥१६४॥
 (पच्छाज्जा)

टेलीपट्टणसीमसंठिअबिह--ण्णग्गोहऽहो जो तथा;
 ठासी सीअपए मुहुत्तमतुलं, गाऊण सूरी अड ।
 साहाईहि बिहव्वडस्स व जओ, वड्ढी मवित्थाऽमुणो,
 णामं तस्स बिहग्गणो वडग्गणो, वा वुड्ढगच्छो तओ ॥१६५॥
 (सद्दूलविककीडिअं) (जुगं)

जेट्टंगगणी सूरी, हवीअ छत्तीसमो जुगपहाणो ।
 वीराऽहेऽस्स जणी णह-पासफणफणाइमजिणभवे १३७० ॥१६६॥
 (पच्छाज्जा)

दिक्खा णईतडपयो-गुणतंबुलगुण १३८२ मिए जुगपहाणो ।
 आसि स गुणठाणसये १४००, कुणयिंदे १४७१ अमरभुवणमिओ ॥१६७॥
 (पच्छाज्जा)

सो सिरिवीरायरिओ, पहावगो जयउ अंगविज्जणू ।
 जेण विरूवाणाहो, पबोहिओ महबलो जक्खो ॥१६८॥
 (पच्छाज्जा)

जम्मोऽस्स विक्कमाऽहे, पसुवइमुत्तिगुणगह ६३८ मिए दिक्खा ।
 मरुपहमयबल ६८० संखे, सो सग्गमिओ विहुरसरसे ६६१।१०६१॥
 ॥१६९॥ (पच्छाज्जा)

णिजप्पहावा हयकामदेवो, सो सव्वदेवायरिओ गणिंदो ।
 उज्जोअणस्सायरिअस्स पट्टे, राईअ सिंगम्मि जिणाल्लयोव्व ॥१७०॥
 (उवजाई)

२४] मुणिवीरसेहरविजयविरइभ- [गाथा १७१ तः

जो सूरिमंताइसइडिधारी, सिस्साण लद्धीअ हि गोयमाहो ।
णाणंबुही संयमिलद्धरेहो, चंदव्व भव्वज्जविबोहकारी ॥१७१॥
(इंदवइरा)

जो रामसइण्णउरे, पइट्टमट्टमजिणस्स पडिमाण ।
णाहेयचेइअधरे, करीअ वासे णिवंज्गदारदसे १०१०॥१७२॥
(पच्छापुत्विगा जहणचवलागीई)

बोहिअ कुंकुणमंतिं, कारिअपिहुतुं गजिणपसायवरं ।
चंदावईणिवणयण-भूअं सुगिराअ दिक्खीअ ॥१७३॥
(पच्छाज्जा)

सिरिफग्गुमित्तसूरी, हवीअ सडतीसमो जुगपहाणो ।
पुरिसत्थबुद्धिकुलयर१४४४ संखे जम्मोऽस्स वीराऽहे ॥१७४॥
(मुहचवला पच्छाज्जा)

दिक्खा विवाहसिवमुह-रज्जु१४५५पमाणे स आसि जुगपवरो ।
कुणिरयविज्जाठाणे १४७१, सग्गमिओ रावणऽक्खिसिद्ध१५२० मिए
॥१७५॥ (पच्छागीई)

सीअदित्ती व जो पट्टवारीसरं, सव्वदेवस्स मोईअ सूरिंदुणो ।
जेण रूवस्सिरी लद्धवाही णिवा, देवसूरी व सो देवसूरी गुरु ॥१७६॥
(सग्गिणी)

जयउ सिरिसंतिसूरी, सिद्धंतणिही स वाइवेयालो ।
मंताइसत्तिजुत्तो, दंसणतक्काइसत्थणू ॥१७७॥
(पच्छाज्जा)

जयउ महिदायरिओ, पहावगो सोहणो य तस्सीसो ।
पण्णू सूरायरिओ, जयउ विजिअमोअरायसहो ॥१७८॥
(पच्छाज्जा)

सिरिबम्मघोससूरी, जुगपवरो अट्टतीसमो होसी ।
 से जणणं वीरा-ऽद्दे, रज्जंगजिणज्जपिण्डपयडि १४९७ मिए ॥१७६॥
 (पच्छामीई)

दिक्खाऽणुत्तरणहतिहि १५०५-संखम्मि हवीअ सो जुगपहाणो ।
 अंगुलिसिद्धे १५२० खमिओ, पव्वयवलिकम्मभूमि १५९८ मिए ॥१८०॥
 (पच्छाज्जा)

संव्वदेवक्खसूरिंदो, पट्टम्मि देवसूरिणो ।
 जणप्पिओ विराईअ, पम्हव्व पडमागरे ॥१८१॥
 (अणुट्ठुभं)

मूलऽट्टकम्मसत्त, जेउं णूणं महाभडा अट्ट ।
 अट्ट जसोमदाई, सूरी तेण विहिआ सपए ॥१८२॥
 (पच्छाज्जा)

ललना करेहि दढमिव, सूरिजसोमद्दणेमिचंदेहि ।
 आलिद्धा पट्टकणी, सूरीसरसव्वदेवस्स ॥१८३॥
 (पच्छाज्जा)

आसि सिरिविणयमित्तो, गुणचत्तालीसमो जुगपहाणो ।
 तस्स जणी वीराऽद्दे, हलिदिक्कुमरीरसा १५६९ संखे ॥१८४॥
 (पच्छाज्जा)

जिणपम्हवसणजोगे १५७६, स वयं गेण्हीअ आसि जुगपवरो ।
 चज्जणारखगससिकले १५६८, सग्गमिओ जीवजोणिलक्खणिवे १६८४॥
 ॥१८५॥ (पच्छामीई)

सिरिअभयदेवसूरी, जयेउ लोए णवंगवित्तिर्रो ।
 स गओ तिदिवं भूवा, रसदहणगिरीस ११३५ । ११३९ मिअवासे ॥१८६॥
 (पच्छापुव्विगा मुहचवलाऽज्जा)

लिसीअ कालणेमिरिउठव जो सूरिदाणं,
 पट्टाद्धितण्यं जसोमहणेमिचंदाणं ।
 जस्स मणीसाअ खलु पराजिओ विबुहसूरी,
 भवाण दिसउ सिवं सो मुणिचंदकखो सूरी ॥१८७॥
 (ललिया)

जो संविग्गसिरोमणी छ विगई, साहूमवंतो चिअ;
 भूखंडा न्व चयीअ चक्किणिवई, देहे वि चत्तच्छिहो ।
 जेउं दुद्दमसेववाइसरहं, भूसीअ जो सासणं;
 लोगे तक्किक्कवासवो जयउ सो, उत्तिण्णसत्तंबुही ॥१८८॥
 (सद्दूलविककीडिअं)

हरिमहसूरीणा खलु, रइआऽणेकंतजयपडागाई ।
 जे दुग्गमाऽत्थि अहुणा, इह विबुहाणं पि गंधणगा ॥१८९॥
 (पच्छाज्जा)

मंदमईण वि सुगमा, ते गंधा पंजियाइरयणाए ।
 सठवे वि कया, जेणं पहुणा विस्सहिअबुद्धीए ॥१९०॥
 (पच्छाज्जा)(जुगं)

सोधीरपायित्ति तदेगवार-पाणा विहिण्णू विरुदं धरीअ ।
 स्तगं गभो दट्टिसमुद्दसठवे ११७८, वासे णिवा स सं मवीणं ॥१९१॥
 (इंदवइरा इंदवज्जा)

तब्बंघवा इह जगे, जयंतु भाणंदसूरिपमुहा ते ।
 तेण चिअ कयायरिआ, दिक्खं सिक्खं च दाउं जे ॥१९२॥
 (पच्छापुत्तिवगाइचवलाज्जा)

तक्खज्जओ व पयलच्छिमलंकारीअ,
 सूरीसरो स मुणिचंदमुणीसरस्स ।

णामेण जो अजिअदेवगुरू हवीअ,
जं णो जिओ कउवसग्गसूरेहि णूणं ॥१९३॥
(वसंततिलया)

मुणिचंदसूरिसीसो, बीओ वादिंददेवसूरीसो ।
जगविकखाओ जेआ, दिगंबरायरिअकुमुअचंदस्स ॥१९४॥
(पच्छागीई)

से वग्गवेअगिरिसे ११४३, ११३४, जणी णिवाऽहे वयं च वीरसिवे ११५२ ।
कट्ठाऽस्सीसे ११७४ पयवी, सग्गो तक्किहदसणकप्पे १२२६ ॥१९५॥
(पच्छापुण्ड्रिगा मुहचवलाऽज्जा)

बंभी कण्णाअ मणइ, संकंता जस्स हत्थफासेणं ।
सो जयउ वीरसूरी, गुणजलही वाइमिगसिंघो ॥१९६॥
(पच्छाज्जा)

सिरिहेमचन्वसूरी, मलधारी सो बहुस्सुओ जयउ ।
गुणमणिरोहणसेलो, परमपसंतरसमुत्तिसमो ॥१९७॥
(पच्छाज्जा)

एत्थ हवीअ तथाणि, सीसो सिरिदेवचंदसूरिस्स ।
कलिकालसम्बवेत्ता, सूरी सिरिहेमचंदक्खो ॥१९८॥
(पच्छाज्जा)

कोडित्तिगसिलोगाणं, कत्ता जो सिद्धरायभूवस्स ।
पडिबोहगो तहा णिव-कुमारपालपमुहाणं पि ॥१९९॥
(पच्छापुण्ड्रिगांतचवलाज्जा)

वायरणकव्वकोस-च्छंद-अलंकारलिगपमुहाणं ।
विसयाण जेण रइआ, गंथाऽण्णेगा विउलमइणा ॥२००॥
(पच्छाज्जा)

२८] मुणिवीरसेहरविजयविरइअ- [गाथा २०१ तः

जम्मोऽस्स विक्कमाऽहे, जमसुरभीमे ११४५ वयं खपयरहरे ११५० ।
सूरी स गुणंगुग्गे ११६६, णिहिसुइच्चिक्कम्मि १२२६ सग्गमिओ ॥२०१॥
(पच्छाज्जा)

स सिरिमलयगिरिसूरी, पुज्जो भव्वाण दिसउ परमसिवं ।
बहुगंथसुबोधविसय-टोगारयणाइ लद्धवरो ॥२०२॥
(पच्छाज्जा)

सेलेसो जंबुदीवे, व अजिअदेवमुणिदुणो पए;
सूरी वाईहसीहो, स विजर्यासिहगुरू विभाभसी ।
बंभं पालीअ रूवे, मयणसमो वि जिइंदियो गुरू;
जो णिरसंगो तवस्सी, भविदुहतावसुहायरो विहू ॥२०३॥
(माहवोलया)

हेरन्तु ते भवीण भवदुक्खं जे सोहीअ गणहरा,
विजयसिंहगुरुपयवंभीअ दुवे मिव घणपयोहरा ।
तह पढमो सयत्थिगो खाओ सोमप्पहमुणीसरो,
बीओ संघवच्छलो सोम्मो य मणिरयणमुणीसरो ॥२०४॥
(दोवई)

चत्तालो जुगपवरो, हभीअ सिरिसीलमित्तसूरिवरो ।
वीरा विज्जादेवी-सये जुएऽस्स तिसरेहि १६५३ जम्मोऽहे ॥२०५॥
(पच्छागीई)

इत्थीकलाहि १६६४ दिक्खा, मेरुवणकरीहि १६५४ आसि जुगपवरो ।
स सलागापुरिसुत्तम-संजम १७६३ माणम्मि सग्गमिओ ॥२०६॥
(पच्छाज्जा)

रद्धन्तणू गणिदो, जिअकरणगणो, जो दुतीसा गणिदा;
वाए आसंबराणं, विजइअ विरुदं, पत्थिवा हीरलत्ति ।

रम्मं चारित्तलच्छिं, वरइ मुणिहरी, मंथिउं जो सुअर्हि;
होसी वीरप्पहूओ, ककुहुदहिपए, सो जगच्चंदसूरी ॥२०७॥
(सद्धरा)

मग्गं सेटिल्लपंके, चरणगुणरहं, जो पहू उद्धरीअ;
किञ्चा बीअं सहायं, तुरियपयधरं, देवभद्दं गणेसं ।
आजीवायंबिली जो, अइविमलजमो, णिप्पिहो सोम्ममुत्ती;
भव्वाणं दाउ रम्मा, चरणगुणमणी, सो जगच्चंदसूरी ॥२०८॥
(सद्धरा)

जो किञ्चा आयंबिल-सण्णानवमखंडवारवासमिअं ।
जमदीवरासिवासे १२८५, तवत्ति विरुदं लहीअ णिवा ॥२०९॥
(पच्छापुत्तिवगा जहणचवलाज्जा)

आरंभिऊण तत्तो, हवीअ सण्णा तवत्ति गरुडस्स ।
जाओ कोडिगसण्णो, गच्छो जह मंतकोडिजवा ॥२१०॥
(पच्छापुत्तिवगा मुहचवलाज्जा)

विस्साणाणतमच्चयेगतरणी, सो वाइघूकत्तिओ;
देविदो जगच्चंदसूरिपयखे, सूरी भवज्जप्पिओ ।
लोगा बोहिअ भूवमंतिपमुहा, भूमीअ जो सासणं;
गंथा णूअणकम्मगंथपमुहा, जेणं भणेगा कया ॥२११॥
(सद्धलविककीडिअं)

वक्खाणे सपरागमत्थणिवुणो, जो पायतककगणी;
मिच्छादंसणमप्पदुग्गइयरं, जुत्तीहि दूरं करीअ ।
से विस्से कुलटा व्व कित्तिरमणी, भंता अदिण्णायरा;
सो पायालउरोयगारवधरा १२२७-वासे णिवा खं गओ ॥२१२॥
(सद्धलविककीडिअं)

रेवइमित्तो सूरी, जुगपवरो भासि एगचत्तालो ।
वीराऽस्स जणी अहिण, विहिसवभुवणेहि संजमसयेऽहं १७३८॥२१३॥
(पच्छागीई)

णयलोगपालजुत्ते १७४७, वयं सलायामहापुरिसजुत्ते १७६३ ।
स हवीअ जुगपहाणो, गओ दिवमिलाकलाराए १८४१॥२१४॥
(पच्छापुण्विगाइचवलाज्जा)

विज्जाणंदमिहो मुणीसरवरो, तस्सऽज्जसिस्सुत्तमो;
जाओ जस्स जसोजलेण णिखिलो, लोगो सिणाईकयो ।
वाई जेण कया मवाउलमणा, सीहेण कुंभी जहा,
दब्भं वागरणं समिहगं, सुत्तप्पमत्थाययं ॥२१५॥
(सद्धूलविककीडिअं)

से दिक्खा गयदंतअंवरदसा-खोणी १३०२पमाणे णिवा;
वासे वेअसमऽग्गिखग १३०४/१३२३पमिण, पत्तो स सूरित्ठणं ।
किं सोदुं अखमो गुरूण विरहं, जाए गुरूस्सगये;
धस्से तेरसमे गओ सुरगइं, खेत्तक्खिविस्से १३२७ स वि ॥२१६॥
(सद्धूलविककीडिअं)

जस्सऽद्धी भूवदेयं, मिव रयणुवदं, देइ वीईकरेहिं;
सीसाणं पत्थणाए, रइअजलणिहि-त्थोत्तमंतप्पहावा ।
जक्खं जिण्णं कवहिं, पुणुवइसिअ जो, पुण्वठाणे ठवीअ;
सूरी देविंदसूरि-प्पयखदिणमणी, धम्मघोसो स मासी ॥२१७॥
(सद्धरा)

जो बज्जुज्जयिणित्थं, मंताइपचंडसत्तिहरजोगिं ।
कउवह्वमुणिमदिदअ, मंतेहि मुईअ णमिरं तं ॥२१८॥
(पच्छाज्जा)

साकिणिमुद्धडपट्टं, कयमंतियवडगदाणसरभंगा ।
दुट्ठित्थी थंभिअ पुण, जेण दयाईहि मुत्ता ता ॥२१९॥
(पच्छाज्जा)

एकाअ चिअ णिसाए, जो किआऽट्टजमया जिणथुईए ।
 बंमीलद्धपसायो, गुज्जरसइवं पबोहीअ ॥२२०॥

(पच्छाज्जा)

अहिदंसाउ सदंसिअ-कट्टमरत्थविसअगडसज्जतणू ।
 पच्छूदे चयइ तओ-ऽखिलविगई उगतेओ जो ॥२२१॥

(पच्छाज्जा)

जो पुहवीइरसद्धं, पबोहिअ ससम्मवयगहणकाले ।
 पडिसिज्झइ णियमंतं, लक्खमणद्धं वि तं तिकालणू ॥२२२॥

(पच्छागीई)

पच्छा स मालवीसर-सचिवो जाओ कमा कुबेरुवमो ।
 कयचुलसीइअजिणचइअ--गुरुप्पवेसाइबहुकज्जो ॥२२३॥

(पच्छाज्जा)

से भूवा वरिसम्मि तेरससये, वेएहि १३०२ जुत्ते वयं;
 जुत्ते वेअसमेहि १३०४। १३२३ वायगपयं सूरी जया सोयरो ।
 सूरी माउकुआहिए १३२७। १३२८ सगुरुणो, काला छमासंतरे;
 संविग्गो स सगोत्तसूरिविहिओ, से बंधहेऊहि १३५७ खं ॥२२४॥

(सद्दूलविकीडिअं)

अग्घायुज्जलसंजमत्थसुरहिं, सोमप्पहगुरुं;
 सूरिं थोअमि धम्मघोसमुणिवा-पट्टऽज्जमसलं ।
 गेण्हीअ च्च ण मंतपोत्थयममू, चारित्तसुडणो;
 अज्जुज्जे वि गओ पडिक्कमिअ जो, णाएसपलयो ॥२२५॥

(सद्दूलललिअं)

वाईहव्वायकुम्म-प्पदलणहरिणा, जेण विज्जाणहेहिं;
 वाए छिण्णाप्पहावो, दिअहरणगणो, चित्तकूदे सहाए ।
 पुण्णासेसंगपाठी, म्हायकरचरणो, कित्तिसंपुण्णलोगो;
 सूरी सोमप्पहक्खो, स वियरउ महं, सव्वकल्लाणसिद्धी ॥२२६॥

(सद्धरा)

३२] मुणिवीरसेहरविजयविरइअ- [गाथा २२७ त.

जो कत्ता जइजीअरुप्पपमुह-गंथाण पाणंबुही;
 जेणं अंबुअलाहहिंसणमया, चत्ता मरु कुंकणा ।
 वासे विस्ससये बलेहि १३१० अहिण, भूवा जणी से वयं;
 अप्पऽक्खीहि १३२१ पयं रणहि १३३२ खमिओ, अज्जं जगस्सेहि
 १३७३ सो ॥२२७॥ (सद्दुल्लविककोडिअं)

△सुरगइ समयेऽस्स पसिअ, सुरकयउज्जोयणाइमहिममहो ।
 सग्गागयं विमाणं, गुरुणोस्स त्ति भणिअं जणेहि तया ॥२२८॥
 (पच्छागीई)

△जत्तावतिण्णदेवो, भणीअ मेरुम्मि मे सुरेहि सुअं ।
 सोहम्मिदसमाणा, जाएए सिरितवायरिआ ॥२२९॥
 (मुहचवला पच्छाज्जा)

चत्तारि सीसा गुरुणोऽस्स आसी; दिसासु सव्वासु विखाअणामा ।
 थंमान्व वीरप्पहुसासणोए; जयंतु ते भव्वजणघहारा ॥२३०॥
 (उवजाई)

सिरिविमलप्पहसूरी, मिच्छतमहरो दयंबुही पढमो ।
 सिरिपरमानंदगुरु, परमानंदप्पदो बीओ ॥२३१॥
 (पच्छाज्जा)

सिरिपम्हतिलगसूरी, तइओ फुडसुद्धमंयमिद्धिणिही ।
 सिरिसोमतिलगणामो, सूरी विस्सुत्तमो तुरिओ ॥२३२॥
 (पच्छाज्जा)

सिरिसुमिणमित्तसूरी, बायालीसइमजुगपहाणो तो ।
 आसि जणी इंदुहरा-ऽवंभमिए तस्स वीरा-ऽदुदे ॥२३३॥
 (पच्छाज्जा)

△ तपागच्छपट्टावत्यपेक्षया

इंदियपणगविसयसुइ १८२३-मिए वयं हत्थिकरपहरविज्जे १८४१ ।
आसि जुगवरो स गओ, बलकाकक्खिगहकुम्मि १६१६ दिवं ॥२३४॥
(पच्छाज्जा)

सीअगुमहद्रहसिआ वयणगंगा, जस्स भवतावभवहाऽघमलसोही ।
सोमतिलगव्व गुरुसोमतिलगो सो, सोमपहसूरिपयसंभुगिरिसोही ॥
॥२३५॥ (इंदुवयणा)

जो बालो वि अवालतेअणियरो, जो वाइतुलासुगो;
रायञ्चो सुगुणेहि गोयमतुलो, वित्तिण्णकित्तिव्वजो ।
से जम्मो तणुकंडविस्स १३५५वरिसे, णंदंगविस्से १३६६ वयं;
सूरी सो जयसत्तिणाहिअमवे १३७३, झाणंहिलोए १४२४ दिवं ॥२३६॥
(सद्दूलविककीडिअं)

卐 सुरगइसमयेऽस्स पसिअ, सुरकयउज्जोयणाइमहिममहो ।
सग्गागयं विमाणं, गुरुणोऽस्स त्ति मणिअं जणेहि तया ॥२३७॥
(पच्छागीई)

卐 जत्तावतिण्णदेवो, मणीअ मेरुम्मि मे सुरेहि सुअं ।
सोहम्मिदसमाणा, जाएए सिरितवायरिआ ॥२३८॥
(मुहचवला पच्छाज्जा)

से किं बोधिउमेगया तिभुवणं, जाआ तिसीसुत्तमा;
तत्थऽज्जो सिरिचंदसेहरगुरू, सूरी तिबिज्जंबुही ।
सिस्सज्झावणपेसलो सुचरणो, मोहागछेएगिहो;
सोम्मद्धी कइलोगमोययकिई, सो देउ संघस्स सं ॥२३९॥
(सद्दूलविककीडियं)

卐 गुर्वावत्यपेक्षया ।

विट्टवभवविस्सेऽहे १३७३, जम्मोऽस्स वयमिसुपीलुवसहमवे १३८५ ।
सूरी पविरसविस्से १३६३ ▽, स गओ खं सल्लिहरयसरे १४२३ ॥२४०॥

(पच्छाज्जा)

बीओ य जयाणंदो, सूरी णाणंबुही सुचरणणिही ।
खदिवपिहुबुहे १३८० स्स जणी, वासे दिक्खाऽक्खिहरिविस्से १३६२ ॥

॥२४१॥ (पच्छाज्जा)

सो सूरी णहरययो १४२०, वासे सगं गओ कुवेदिंदे १४४१ ।
सिरिदेवसुंदरगुरु, तइओ आसि जुगपवरसमो ॥२४२॥

(पच्छाज्जा)

संभवधरणिणाहो व सचिअसेणाणीणिवसामंताईहिं,
परिवरिओ मासी सूरिडवज्झयपण्णाससाहुआईहिं ।
सोमतिलगसूरिपट्टसिंहासणम्मि देवसुंदरो सूरी,
किमु णव्वतणुं धरिउं इहागओ देवाण सुंदरो सूरी ॥२४३॥
(दण्डकला)

पूणिण्ह करकंदुगो हिमगिरी, कीडाविहारत्थली;
खीरद्धी घरदीहिआ पिअसही, अचुत्तमा भारती ।
सेज्जाऽऽमागयरम्मदंतवलही, से कित्तिक्कणाकए;
पंचालीजुगलं पि संकरसिवा-रुवं कयं संभुणा ॥२४४॥
(सद्दूलविकीडिअं)

जो झाणत्थगुरुणं, गणभारुद्धरणजोगपत्तत्थं ।
खुडो वि अंबिकुत्तो, विसयगुणोऽणंतभागजुओ ॥२४५॥
(पच्छाज्जा)

धाराभिहत्सावगपुंगवेणं, पक्खोववासेहि वसीकयेणं ।
देवेण पुट्टो तिभवेहि मुत्तिं, साहीअ सीमंधरकेवली से ॥२४६॥
(इंदवइरा)

लेसंकहरक्खिस्वमे-ऽहे १३९६ जाओ स विकह्वभवेकुंठे १४०४ ।
 साहू हवीअ सूरी, रावणकरपिंडपयडि १४२०मिए ॥२४७॥
 (पच्छाज्जा)

पंचेसुद्धिवभेअपंचवयणा, सीसाऽस्स पंचऽग्गिमा;
 तत्थऽज्जो सिरिणाणसायरगुरू, पाणंनुही पिप्पिहो ।
 सूरी साम्मसुहणवो सुवयणो, वेरग्गवारंणिही;
 भन्वज्जुह्गुसासणुण्णइवरो, साहूण विज्जागुरू ॥२४८॥
 (सहूलविककीडिअं)

पंडवविआसिले १४०५ ऽहे-ऽस्स जणी वाइसिअयरहग्गिम्मि १४१७वयं ।
 सूरिंदुविहिमुहसरे १४४१, स रिउदिवसणीइकुम्मि १४६० तुरिअदिवं॥
 ॥२४९॥ (पच्छागीई)

सूरीसो कुलमंडणाभिह्गुरू, उस्सग्गमग्गाणुगो;
 वाइव्वायगिरिपभंगवइरो, सिद्धंतपारंगमी ।
 चक्कंगो इव विस्समाणससरे, भासी जईयो जसो;
 सो बीओ अबीअमग्गणिहरो, भे होउ मइंकरो ॥२५०॥
 (सहूलविककीडिअं)

सुमिणसयेऽहे अहिए, बलेहि १४०९जम्मोऽस्स संजमेहि १४१७ वयं ।
 गोयरिदोसेहि १४४२ पयं, करणसुपासजिणफणिफणाहि १४५५ दिवं ।
 ॥२५१॥ (पच्छागीई)

तइओ सुविमलचरणो, गुणरयणणिही स गुणरयणसूरी ।
 वाइमिगारी जयउ ति-कालविओ सपरसमयणू ॥२५२॥
 (पच्छाज्जा)

तुरिओ य सोमसुन्दर-सूरी सोम्मागिइव्व सोमस्स ।
 सिरिसाहुरयणसूरी, स पंचमो गोयमसरिच्छो ॥२५३॥
 (पच्छाज्जा)

दीहक्खी णाणही, पहावगो गुणणिही महावाई ।
भूएसमुत्तिआगम-सोमे १४५८ - ५६ से पयपइट्ठा ॥२५४॥
(पच्छाज्जा)

आसि हरिमित्तसूरी, तेआलीसइमजुगपहाणो ता ।
अणलमयपुराण १८८३मिए, वीरसिवाइम्मि तस्स जणी ॥२५५॥
(पच्छाज्जा)

कालणहंकरवि १६०३मिए, वयं गहीअ स हवीअ जुगपवरो ।
णायज्झयणणिहिवुद्धे १६१६, सग्गमिओ जोगिणीगहिले १६६४॥२५६॥
(पच्छाज्जा)

राइम्मि कोऽपि पहिओ कुमईहि हंतुं,

दिक्खीअ तं पि य पबोहिअ जो दयद्धी ।

सो सोमसुन्दरमुणीसवई जयेउ,

देवाइसुन्दरमुणीसपयज्जहंसो ॥२५७॥

(वसंततिलया)

सोऽहोरत्तमुहुत्तपुठ्व १४३०पमिए, वासम्मि जाओ णिवा;
सक्कस्सस्सतिमोलिमोलिविदिसा-खोणी १४३७मिए संजमी ।

उज्झायो णहणीलकंठवयण--व्वम्हस्सधारी १४५०मिए;
सूरी वारकलंबरीइवसुद्धे १३५७, णदंकविज्जे १४५५ दिवं ॥२५८॥
(सदूदूलविककीडिअ)

चउरो दिसा विजेउं, जुगवं सीसाऽस्स आसि चत्तारो ।
वाईहभंजनहरी, णाणद्धी गोगंथयरा ॥२५९॥
(पच्छाज्जा)

मुणिसुंदरामिहोऽज्जो, सूरी जयसुंदरामिहो बीओ ।
तइओ य भुवणसुंदर-णामो जिणसुंदरक्खोतो ॥२६०॥
(पच्छाज्जा) (जुगं)

अत्तं कालिसरस्सइ त्ति विरुदं, जेणं पबुद्धव्वजा;
 गाआ बट्ठुलिगाणडुत्तरसयं, साहीअ जो धीणिही ।
 सूरीसो मुणिसुंदराभिहगुरु, संविग्गमोलीसरो;
 सो भासी गुरुसोमसुन्दरपए, हारव्व वच्छत्थले ॥२६१॥
 (सहूलविककीडिअं)

अहोऽअधाणाणि सहस्समेस, बल्ले वि धारीअ रविव्व रस्सी ।
 जो सूरिमंतस्स जिणिंदवारं, आराहणं वे विहिणा करीअ ॥२६२॥
 (उवजाई)

वारीअ जो संतियरत्थवेणं दुज्जोगिणीकारिअमारिरोगं ।
 जहंकुसेणं करडि णिसादी, पचंडसामत्थपयावपुंजो ॥२६३॥
 (उवजाई)

वीरा अंतरसत्तुखंककु१६०६मिए, वासे णिवा विक्कमा;
 सो जाओऽलिपयऽग्गिमग्गणामिए १४३६, लोगद्विसक्के १४४३ वई ।
 उज्झायो उववज्जकोणरयणे १४६६, णागद्विविरसम्मि १४७८ च;
 सूरी सत्तिविहायसिद्ध१५०३पमिए, आइच्चलोगं गभो ॥२६४॥
 (सहूलविककीडिअं)

से मुसीअ विज्जिओ हि जस्स धिसणो हवीअ ण जणाण गोयरो;
 वाइसिंधुरकदंबगस्स पइवीअ जो मिगवई विआरणे ।
 बालबंमिविरुदं लहीअ मुणिणायगो विबुह्वंबिबम्हणा;
 सो जयेउ मुणिसुंदरायरिअपट्टणे रयणसेहराहिहो ॥२६५॥
 (चित्तगं)

से जम्मो चरणासवेहि १४५७।१४५२ अहिए, वासम्मि विज्जासये;
 भूवाला विरइं गहीअ तिसिरो-मोळिपमाणेहि १४६३ सो ।

३८] मुणिवीरसेहरविजयविरइअ- [गाथा २६६ तः

पण्णासो तिमयेहि १४८३ विट्ठवजिणा-ऽम्भोजेहि १४९३ उज्झायगो;
सूरी दोहि १५०२ महक्कउक्खिसये, खं संजमेहिं १५१७ गथो ॥२६६॥
(सद्दूलविककीडिअं)

हरी सहस्सक्खी धरइ जस्स किंत्ति दट्ठुं वत्ततिलोगं;
लच्छीसाबरसूरी स रयणसेहरसूरिपट्टसुरलोगं ।
भूसीअ परीओ सूरिउवज्झायपण्णंससाहुआईहिं;
हरी व सामाणियलोगपालतायत्तीसदेवाईहिं ॥२६७॥
(दंडकला)

धासे वज्जिसये जुएऽस्स जणणं, इत्थीकलाहिं १४६४ वयं;
वोमद्धीहि १४७० रिउगहेहि १४९६ अहिए, पण्णासणं पयं ।
उज्झायो विहुणा १५०१ जुए तिहिसये, कम्मेहि १५०८ सूरी स हि;
गच्छीसो तुरगायलाहि १५१७ अहिए, वारासमेहिं १५४० दिवं ॥२६८॥
(सद्दूलविककीडिअं)

रत्तो जो हि जिणपडिमातित्थालयागमावे;
सोम्मद्धी समदमणिही गच्छेक्कदत्तचित्तो ।
सो सूरी सिरिसुमइसाहू सूरिणो पयम्मि;
लच्छीसायरगुरुवरस्सऽज्जे सिरिठ्व माही ॥२६९॥
(सुरयललिया)

जम्भोऽस्स विक्कमाऽद्धे, जुगणिहिरज्जुम्मि १४६४ पक्खदिवससये ।
रुद्धे हि १५११ जुए स वयी, सूरी वसुभूहि १५१८ ससिकरीहि १५८१ दिवं ।
॥२७०॥ (पच्छागीई)

विततमुणिभगणेणं परिकलिओ हेमधिमलसूरिरयणीयरो;
भासी सुमइसाहुसूरिपट्टगणे भवियपम्हविआसयरो ।

जा मुणिपुंगवस्स अस्स जसकित्तीए णिरुवमा अवदाअया;
 ण लहिज्जेइ केहि वि कप्पुररयअचंदाईहिं से तुल्लया ॥२७१॥
 (मालागलिया)

लद्धं वाइविडं वणक्खविरुदं, जेणुच्चसंवेगिणा;
 जम्मो तस्स समक्कमेहि १५२०।१५२२ अहिए, मिच्छत्तखोणीसये ।
 वासे विक्कमभूवओ वयहरो, जोगंगवेएहि १५२८।१५३८ सो;
 सूरी सिद्धिक्कहाहि १५४८ देवनिलयं, जोगद्धिवेहिं १५८३ गओ॥२७२॥
 (सद्दलविककीडिअं)

अरिहवाणिमूलो चरणरंगसहस्समुणिदलो,
 वेरगगकेसरो आणंदविमलसूरिकमलो ।
 सुद्धाचरणरुणिणगो चउठिवहसंघमुणालो,
 जयउ सिरिद्धेमविमलसूरिपयसरट्ठिअणालो ॥२७३॥
 (महुयरी)

सो संवेगतरंगपुण्णजलही, चंदव्व सोम्मगिई;
 मव्वाणंदयरो हवीअ किरिया-उद्धारकारी गुरू ।
 जम्मोऽहेऽस्सऽहिए पमायकुसये, वाहंबुद्धीहिं १५४७ णिवा;
 पक्खऽक्खेहि १५५२ वयं पयं सुरपह-स्सेहिं १५७० रसंकेहि १५६६खं॥
 ॥२७४॥ (सद्दलविककीडिअं)

अण्णं जस्स सिरे धरीअ मुणिणो, सेसं जिणिंदस्स व;
 दट्ठा वाइमिगा गआ अदरिसं, जं केसरिं आगअं ।
 पंचक्खी जइउं व पंच विगई, जेणं जढा सव्वया;
 पट्टं तस्स अलंकारीअ विजयो, सो दाणसूरी गुरू ॥२७५॥
 (सद्दलविककीडिअं)

सोउं देसणमस्स सिद्धगिरिणो, जत्ता ससंघा कया;
 सेअत्थं गलरायमंतिमणिणा, सुक्कुञ्जिआऽद्धाई ।
 सुक्कक्खेहि १५५३ जणी जुए तिहिसये-ऽहे से पयंगेहि १५६२य;
 दिक्खा धाउवसूहि १५८७ सूरिपयवी, कण्णऽक्खिभूवे १६२२ दिवां ।
 ॥२७६॥ (सद्दूलविककीडिअं)

सीसावलीसरिपरिक्खयगच्छगंगा; जम्हुग्गआ हयतिविट्ठवपावपंका ।
 सोहीअ पट्टहिमवंतगिरिम्मि तस्स; पम्हद्रहव्व स गुरु सिरिहीरसूरी ॥
 ॥२७७॥ (वसंततिलया)

जो धम्मे जवणाहिवं पि ठविउं, कारीअ अत्था बहू;
 भाणू जस्स तवप्पहाअ विजिओ, पावीअ णो थेरिअं ।
 चारित्तस्स मिआ ण जस्स सिअया, केणं पि चंदाइणा;
 वच्चा से ण गुणा जया अवि विही, कुज्जा सहस्सं मुहा ॥२७८॥
 (सद्दूलविककीडिअं)

सेऽहे सिद्धसये जणी तिहजुए, १५८३ दिक्खा रसंकाहिए १५९६;
 विज्जादेविसये रिसीहि १६०७ अहिए, सो पंडिओ वायगो ।
 कुंभीहिं १६०८ अहिए दिसाहि १६१० अहिए, सूरी णिवाऽकन्वरा;
 सिंगऽद्धीहिं १६४२ जगगुरुत्ति विरुदं, पत्तो दुगत्तेहि १६५२ खं ॥२७९॥
 (सद्दूलविककीडिअं)

सइण्णहिबईसरो, मिअ स हीरसूरिंदुणो;
 हवीअ पयसंदणे, विजयसेणसूरी ठिओ ।
 खमाइविविहायुहो, विपुलसाहुसेणाजुओ;
 कुवाइरिउभीसणो, मविअलोगरक्खायरो ॥२८०॥
 (पुहवी)

वाए वाङ्गणप्पिअं जयसिरिं, चेत्तं सहामंडवे;
जेणं कालिसरस्सइ त्ति बिरुदं, लद्धं णिवाऽकब्बरा ।
से देवीसयगे जणी मइजुए १६०४, वासेऽग्गिबीसाहिए १६१३;
दिक्खा भेहि जुअम्मि १६२८ सूरिपयवी, सग्गो छमाऽस्साहिए १६७१ ।
॥२८१॥ (सद्दूलविककीडिअं)

वीसंभोजप्पबोहे, स विजयदेवमुणिंदगोवई;
होही संणिज्झदेवो, सुविजयसेणमुणीसपट्टखे ।
णिस्सेसं जस्स वत्तं, सुइजसणीररयेहि विट्ठवं;
णूणं तं चेव दट्ठुं, धरइ सहस्समुहा सरावगा ॥२८२॥
(माहवीलया)

णाणतवतेअतुट्ठा, पावीअ महातव त्ति बिरुदं जो ।
साहिणिवजहंगीरा, अणेगसासणपहावयरो ॥२८३॥
(पच्छाज्जा)

जम्मोऽस्स णिवसयेऽहे, अहिए ऽतिसयेहि १६३४ तिसयेहि १६४३ वयं
पण्णासो सरिसूहि १६५४ स, सूरी दीवेहि १६५६ खं तिकुणयबुहे १७१३ ।
॥२८४॥ (पच्छागीई)

इअरो भविप्पयाण जो, जयउ सो गणीसरो गुरू ।
विजर्यासहसूरिपुंगवो, विजयदेवसूरिणो पए ॥२८५॥
(मणोरमा)

बंधासमेहि १६४४ अहिए, भूवा वासे कसायसयसंखे ।
जम्मो अमुस्स होसी, दिक्खा सेणंगणाणेहि १६५४ ॥२८६॥
(पच्छाज्जा)

वेअरयणायरेहि १६७२/३, उज्झायो सो हवीअ आयरिओ ।
गोसिद्धगुणेहि १६८१/२ दिवं, रसंडसुज्जस्सखग्ग १७०८/६मिए ॥२८७॥
(पच्छाज्जा)

सेवीअ जं गुणणिहिं, मुणिणो पण्णा-सच्चविजयगणी ।
 सो किरिउद्धारयो, तप्पट्टे जयउ परमसंवेगी ॥२८८॥
 (पच्छागीई)

खमहातित्थरसे १६८०ऽहे, जम्मोऽस्स हरिक्कुणाहिचन्दकले १६६४ ।
 दिक्खा बलसवसंजम १७२६-मिए पयं अङ्गइसुणागबुहे १७५६ १७५७ खं ॥
 ॥२८९॥ (पच्छागीई)

अज्झप्परयणिरीहो, आणंदघणो मुणी हवीअ तथा ।
 कयलोगपगासाइ-गंथो उज्जायविणयविजयगणी ॥२९०॥
 (पच्छागीई)

णायविसारयवायग-जसविजयगणी अणोगगंथयो ।
 तह आसि धम्मसंगह-यरवायगमाणविजयगणिपमुहा ॥२९१॥
 (पच्छागीई)

हैत्थिम्मि समारूढो, णिवो व पण्णंसकपुरविजयगणी ।
 सोहीअ तस्स पट्टे, स सिवसुहं दिसउ मठ्वाणं ॥२९२॥
 (पच्छाज्जा)

दिक्खाऽस्स कोसिहदसण-विभंगविस्सम्मि १७२० विक्कमणिवाऽहे ।
 स गओ तिविसं आसव-लोगभुवणमेशणीमाणे १७७५ ॥२९३॥
 (मुहववलापच्छाज्जा)

रक्खणयरी भवाणं, पण्णं(णा)सखमाविजयगणिमुणिदो ।
 पट्टे पण्णंसकपुर-विजयगणीणं विराईअ ॥२९४॥
 (पच्छाज्जा)

परिसहंपिडेसणिला १७२२-मिएऽस्स वासे जणी हवीअ वयं ।
 धीवद्धिणरयिले १७४४ सो, सग्गमिओ रसमयऽस्सबुहे १७८६ ॥२९५॥
 (पच्छाज्जा)

विजयउ जिणविजयगणी, पण्णंसपयंकिओ पए तस्स ।
 से णंदीसरमंदिर-संजम १७५२वासे णिवा जम्मो ॥२६६॥
 (पच्छाज्जा)

बिंदुमयणयहरे १७७० ऽहे, दिक्खा पयमिंदुदंतिमुणिकु १७८१मिए ।
 बीए १७८२ गच्छाणुण्णा, सेवहिणंदस्सकुम्मि १७६६ दिवं ॥२६७॥
 (पच्छाज्जा)

जयउ गणी सिरिउत्तम-विजयो तप्पट्टगगणमत्तांडो ।
 तस्स खभूखंडऽद्विकु (१७६०)-मिए जणी विक्कमणिवाऽहे ॥२६८॥
 (पच्छाज्जा)

दिक्खा दिट्ठिणिहाण-ऽस्स-स्सेअंसु १७९६मिअवच्छरे ।
 वासे वाहऽक्खिसेलिंदु १८२७-प्पमिए सो दिवं गओ ॥२६९॥
 (अणुट्ठुमं)

एअस्स पए भासी, इन्दूमिव इन्दुसेहरस्स सिरे ।
 परमद्रहत्ति खाओ, पण्णासो पम्हविजयगणी ॥३००॥
 (पच्छाज्जा)

सिंदुररयगेवेज्जय-सुपठवसंजम १७९२मिए णिवाऽस्स जणी ।
 दिक्खा अणुत्तरामर-वोममयंगयधरासंखे १८०५ ॥३०१॥
 (पच्छाज्जा)

दसकंठकंठपाव-ट्टाण १८१०मिए हायणे पयपइट्ठा ।
 राभसुअदंसणकरटि-खग १८६२पमाणम्मि देवगई ॥३०२॥
 (पच्छाज्जा) (जुगां)

एरलोणे मेरुगिरी, जह राईअ तह तस्स पट्टम्मि ।
 मुणिगणसेविअपाओ, पण्णंसो रुवविजयगणी ॥३०३॥
 (पच्छाज्जा)

४४.] मुणिवीरसेहरविजयविरइभ- [गाथा ३०४ तः

रविणा णहमिव पट्टो, गणिणो पणंसरूवविजयस्स ।
भूमीअहीअ गणिणा, पंडिअसिरिकित्तिविजएणं ॥३०४॥
(पच्छाज्जा)

विउलाजीवणिकाय-पवयणमायासुहायर १८६१पमाणे ।
भूवाऽहे वयमासी, से बहुसिस्सपरिवारो वि ॥३०५॥
(पच्छाज्जा)

ईसिवसहो पणंसो, कत्थुरविजयो गणी विभूमीअ ।
चक्किस्स पंचसाहं, चक्कं मिव तस्स पट्टसिरिं ॥३०६॥
(पच्छाज्जा)

वासम्मि सत्तदलदल-हरहयपुरलिवि १८३७मिए णिवा तस्स ।
जम्मो इवीअ दिक्खा, सुन्निंदस्सवयणपुराणे १८७० ॥३०७॥
(पच्छाज्जा)

अधुरो काणणमिव, से पट्टमलंकरीअ सोम्मद्धी ।
पंडिअमणिविजयगणी, महातवस्सी अपडिबद्धो ॥३०८॥
(पच्छाज्जा)

जम्मोऽस्स विक्कमाऽहे, किवाणधारपरमेट्ठपयडि १८५२मिए ।
वयमद्धिविद्विविज्जे १८७७, वयगुणसयणगुणकुम्मि १९३५ दिवं ॥३०९॥
(मुहचवलापच्छाज्जा)

बधुरसंविग्गमणो, तत्तरुई णिप्पिहोऽस्स पट्टधुरं ।
पणंसो बुद्धिविजय-गणी वहीअ जह भुं सेसो ॥३१०॥
(पच्छाज्जा)

जम्मोऽस्सऽहे सिंहिरस-पयडिम्मि १८६३उवंगविणहुकुम्मि १९१२वयं ।
स गओ विअद्धसुरया-वसाणजलणवलिले १६३८ सगं ॥३११॥
(जहणचवलापच्छाज्जा)

धत्थण्णाणधगारो, पवयणकिरणो, मठवलोगंबुहीए;
 दायाऽणंदस्स चंदो, मिव विजयजुओ, आसि आणंदसूरी ।
 तप्पट्टागाससोहो, मुणिमगणवुओ, णाणदित्तीअ दित्तो;
 सो सिद्धंतिदुकंता, सिवपहअमिअं, झारमाणो भवत्थं ॥३१२॥
 (सद्धरा)

से वेसाणरकेसवऽद्धिधरणी १८६३-माणो णिवाऽहे जणी;
 दुग्गा-ऽऽच्चसयम्मि दंतअहिए १६३२, दिक्खा य सवेगिणी ।
 भूएसिक्खणगोपएहि, अहिए १९४३, होहीअ सूरी स उ;
 रामापच्चहराणणेहि अहिए १६५२, पत्तो सुपच्चालयं ॥३१३॥
 (सद्धूलविककीडिअं)

विजयकमलसूरी, तप्पट्टपम्हागरे; मुणिअलिगणकिरणो, संसारपंकुब्भवो ।
 अगुरइजलजो ही, संसाररागुज्झिओ; इवउ कमलकप्पो, भव्वाणं सो सुक्खयो॥
 ॥३१४॥ (चंदुज्जोओ)

जम्मो से बलदेवगोवइसये, वासे णिवा विक्कमा;
 लोगेसस्सवणेहि १६०८ आसि अहिये, संवेगिदिक्खा पुण ।
 संजुत्ते रयणेहि १६३२ सूरिपयवो, अस्सासुगेहि १६५७ जुए;
 सो धूमद्वयकुंजरेहि अहिए १६८३, निव्वाणलोगं गओ ॥३१५॥
 (सद्धूलविककीडिअं)

विजयाणंदायरिअसु-सिस्सो सिद्धवयणो जयउ लोए ।
 विम्हयजणगचरित्तो, उड्ढायो वीरविजयगणी ॥३१६॥
 (पच्छाज्जा)

णिहिकुसयेऽस्स णिवा-ऽहे, जम्मोऽहीहि १६०८ अहिए वयणुणेहि १९३५ ।
 दिक्खा उज्झायपयं, हयिसूहि १९५७ जुअम्मि इसुहयेहि १९७५ दिवं ॥
 ॥३१७॥ (पच्छागीई)

दा रव्व जो पयगले अमुणो विमाही, उज्झायवीरविजयऽक्खगुरुस्स सीसो ।
जेणं कयं विरह्वोहिपभीइदाणं, वीसस्सुओ जयउ सो सिरिदाणसूरी ॥
॥३१८॥ (वसंततिलया)

जिणणिहिससहर१६२४ वासे, भूवा जम्मोऽस्स झीभुं वाडक्खे ।
गामे कत्तिअमासे, तिहीअ सुद्धचउदसमीए ॥३१९॥
(पच्छाज्जा)

सव्वसहादसरहसुअ-णारयखंत१६४१द्दमग्गमिरमासे ।
सुककाअ पंचमीए, तिहीअ घो(गो)घक्खबंदिरे दिक्खा ॥३२०॥
(पच्छाज्जा)

णयणमहुयरचरणवपु-दारुव्वी१६६२संखवाससहमासे ।
सुककेगारसमीए, तिहीअ थंभणपुरे स पण्णासो ॥३२१॥
(पच्छागीई)

भवइसिहरितणुछिद्धकु१९८१-मिअवस्से मग्गसीसमासम्मि ।
सिअपंचमीदिणे सो, हवीअ छाणीपुरे सूरी ॥३२२॥
(पच्छाज्जा)

सिंधुत्थहरिहलिमही१६९१-पमाणवासम्मि माहमासम्मि ।
सिअपक्खदुइअदिवसे, सग्गमिओ पाडडीगामे ॥३२३॥
(पच्छाज्जा)

वीरा पट्टहराणं, अज्जसिलोगाण अक्खराऽज्जा जे ।
गंथस्स कत्तुणो से, से गुरुआईण पच्चया तेऽत्थि ॥३२४॥
(पच्छागीई)

णं वंदे पेमसूरि, पहिअसुचरणं, दाणमूरिस्स सीसं;
पट्टव्वोमंसुमालिं, रसतुरगज्जमिते, वीरपट्टे णिविट्ठं ।
बद्धो बालप्पबुद्ध-प्पहुडिमुणिगणो, पेमपासेहि जेणं;
किं लज्जाए अदिस्सो, मइविहवजिओ, जस्स देवाण सूरी ॥३२५॥
(सद्धरा)

जो वच्छल्लणिही पिरीहजलही, चारित्तचूडामणी;
 जं दट्ठुं पि मुयं अइन्ति परमं, पाएण दुट्ठा वि ही ।
 जेणं संजमरज्जुणा भविगणो, संसारकूबुद्धयो;
 जस्साणेगगुणालयस्स सिहिरे, लोगा गुणा लिच्छुणो ॥३२६॥
 (सहूलविककीडिअं)

जत्तो साहुगणावगा पयडिआ, भव्वाहकिट्ठावहा;
 जस्सुत्ती अविलंबसिद्धिफलया-SSसी एगंतखेमंकरा ।
 जस्सिं संकइ जणो गुरुवरो, मुत्तो वि किं गोयमो;
 लोए ओअरिओ दुहाकुलकुलं, दट्ठूण बुद्धो जहा ॥३२७॥
 (सहूलविककीडिअं)

सो सिद्धंतमहोअही मुणिवई, मे दाउ सिद्धि परं;
 तं वंदेह खमानिहाणसमया-पेऊसवारंणिहिं ।
 तेणं हं पि जडो भिसं उवकयो, चारित्तदाणाइणा;
 तस्साहिट्ठपयाणकप्पतरुणो, भावुल्लसेणं णमो ॥३२८॥
 (सहूलविककीडिअं)

तत्तो पूअसुसंजमा भविगणो, पावेउ इट्ठं लहुं;
 तस्संही फरिसन्ति भत्तिणिहरा, भव्वा सिवाकंखिणो ।
 तस्सिं मंदसमाहिदाणकुसले, उक्किट्ठचायालये;
 कम्मगंधरहस्सचारचउरे, थोउं गुणा को अलं ॥३२९॥
 (सहूलविककीडिअं)

सूरीसो धारए जो, तिसयमुणिजुअं, गच्छमेकायवत्तं;
 भूवालाणं अहीसो, जह छदलमहिं, रज्जमेकायवत्तं ।
 जोगो जो सूरिठाणे, सुविइअगुरुणा, णिच्छमाणो वि णत्थो;
 सो पुज्जो पेमसूरी, हवउ सिवयरो, धीरलोयत्तरेहो ॥३३०॥
 (सद्धरा)

गोगा सुद्धगवेसगा अदुइआ, वेरग्गवारंणिही;
 गीयत्थुग्गतवा सुसंजमरया, सिद्धंतपारंगभा ।
 विज्जही उअएसदाणकुसला, उक्किट्ठचायासिआ;
 गच्छे जस्स मुणी जयउ तिजगे, सो पेमसूरी सया ॥३३१॥
 (सद्दूलविककीडिअं)

वच्छल्लंबुणिहीहि गंथकरणे, हं जेहि संपेरिओ;
 गंथो एस किवाअ जाण रइओ, मे जेहि संसोहिओ ।
 भूयासं जइ हं सहस्मवयणो, सेलाउगो तो वि य;
 वण्णेउं ण चयामि जाणुवकिइं, ते पंतु अम्हं गुरु ॥३३२॥
 (सद्दूलविककीडिअं)

सेअस्सऽस्सऽद्धिहत्थि-दिअ२४१०मिअ वरिसे, वद्धमाणाववग्गा;
 सुण्णाकूवारणंद-ऽप्प१६४०पमिअवरिसे, विक्कमाइच्चभूवा ।
 मासे ही फग्गुणक्खे परमगुरुजणी, पुण्णिमाए तिहीए;
 वारे भोमाभिधाने, दुइअचरणगे, उत्तराफग्गुणीमे ॥३३३॥
 (सद्धरा)

लग्गे मयराभिक्खे, कण्णारासिट्ठिअम्मि चंदम्मि ।
 कुम्भामिहरासिम्मि य, आइच्चदसस्ससूनुसुं ॥३३४॥
 (पच्छाज्जा)

सुक्कस्सेसाभूसुं, मेसगएसुं सणिम्मि वसहठिए ।
 गुरुमंगलेसु कक्क-त्थेसु तुलाअ उण राहुम्मि ॥३३५॥
 (पच्छाज्जा)

पालित्ताने णयरे, वासे मुणिसरगहावणी१६५०संखे ।
 बहुलाए छट्ठीए, तिहीअ मासम्मि कत्तिए दिक्खा ॥३३६॥
 (पच्छागीई)

उवठवणा सामाए, एगारसमीअ कम्मवाड्डीए ।
पोसे मासे उंझाणयरे तम्मि कच वासम्मि ॥३३७॥
(पच्छाज्जा)

दब्भावईपुरे गणि-पयवी, वक्खऽस्सणंदविहु १६७६वासे
आसि तिहीअ सिआए, दसमीए आसिणे मासे ॥३३८॥
(पच्छाज्जा)

भूवा कुगयणिहिधरा १९८१-संखे वासे अहम्मयावाए ।
पण्णासपयं मग्गे, मासे सिअपंचमीदिवसे ॥३३९॥
(पच्छाज्जा)

मुंबापुरीअ वायग-पयं णिवा तुरगिहंककु १६८७मिए-ऽहे ।
जाअं कत्तिअमासे, तइआअ तिहीअ सामाए ॥३४०॥
(मुहचवलापच्छाज्जा)

राहणपुरक्खणयरे, सुक्कचउद्दसतिहिम्मि महमासे ।
भूवा ससंकगहणिहि-सुहायराद्धम्मि १६९१ सूरिपयं ॥३४१॥△
(अंतचवलापच्छाज्जा)

सासणपहावगाऽण्णे, वि अज्जमवहिं अणायणामाई ।
जाआ गेगा सूरी, तह मुणिणो ते जयन्तु जगे ॥३४२॥
(पच्छाज्जा)

सिरिपेममूरिसीसो, हेमन्तविजयगणी जयेउ जगे ।
भूसिअपण्णासपओ, पहावतेएण जिअमाणू ॥३४३॥
(पच्छाज्जा)

मुद्रणसमयापेक्षया प्रक्षिप्ता गाथा—

△थंभणपुरेऽस्स सग्गे, हवीअ भूवाउ जिणणह २०२४मिअहे ।
रयणीअ राहमासे, तिहीअ एगारसीअ बहुलाए ॥३४१B॥
(पच्छागीई)

गोगविहगच्छकउजे, गुरुपासे कुसलसिट्टमंतिसमो ।
 गीयत्थमोलिमुगडो; णिरीहजयणापरायणो धीरो ॥३४४॥
 (अंतचवलापच्छागीई)

गच्छहिअचित्तनपरो, उवट्टिएसुं पि विग्घविंदेसुं ।
 णीडरअमुत्तसत्तो, फुडभासी य दढसंकप्पो ॥३४५॥
 (आइचवलापच्छाज्जा)

तस्स जणो सणिवारे, पणामपरमेट्टिगहमही१६५३संखे ।
 भूवा वासे वीरा, मुहावक्खुजिण२४२३मिअवासे ॥३४६॥
 (पच्छाज्जा)

मासम्मि मग्गसीसे, चउदसमीए तिहीअ सुक्काए ।
 आसि अहमयावाए, गुज्जरदेसस्स मुक्खपुरे ॥३४७॥
 (पच्छाज्जा)

दिक्खा महागहमुसलि-पुहवी१६८८माणे हवीअ भूवा-उद्दे ।
 सुक्काअ सत्तमीय, तिहीअ वेसाहमासम्मि ॥३४८॥
 (जहणचवलापच्छाज्जा)

सुक्काअ जेट्टमासे, चउदसीए तिहीअ उवठवणा ।
 सोलसतित्थंयरमव--रावणलोयण२०१२पमाणे-उद्दे ॥३४९॥
 (मुहचवलापच्छाज्जा)

फग्गुणमासे एगा-रसीअ बहुलाअ कम्मवाडीए ।
 दत्ता पुणापुरे से, गणिपयवी सगुरुसकरेणं ॥३५०॥
 (पच्छाज्जा)

पण्णासपयं विहियं, तिहिणह२०१५वासे सुरिदणयरम्मि ।
 सुक्काए छट्ठीए, ~~विहीअ~~ से राहमासम्मि ॥३५१॥ X
 (पच्छाज्जा)

सीसोऽस्स ललिअसेहर-विजयो विज्जो जयेउ सोम्मद्धी ।
 बेरगवासिअमणो, वेयावच्चाइणेगगुणजुत्तो ॥३५२॥
 (पच्छागीई)

वीरविहूओ अंबर—छेअस्सुअमूलसुत्तपाअ२४६०मिए ।
 आगासपयत्थबहिर-गंठिद्धंखक्खिगोलग१६६००पमिए ॥३५३॥
 (पच्छागीई)

विक्कमभूवालाओ, वासम्मि णहस्समासम्मि ।
 बहुलाअ पंचमीए, तिहीअ आसी अमुस्स जणी ॥३५४॥
 (जहणचवलापच्छोवगीई)

एहपाडिहेरसासय-पडिमालोयण२४८०मिए वीरा ।
 संवच्छरे णिवा उण, कप्पद्दुमविहरमाणजिणे २०१० ॥३५५॥
 (पच्छोवगीई)

दिक्खा-ऽऽसि सहे मासे, सिआअ तइआअ कम्मवाडीए ।
 तवमासम्मि समुज्जल-तुरिअतिहिम्मि उण उवठवणा ॥३५६॥
 (पच्छाज्जा)

तस्स सिरिरायसेहर-विजयो सीसो सहोयरयरोऽत्थि ।
 संवेगरंगरंजिअ-मणो गयछिओ णिवुणबुद्धी ॥३५७॥
 (पच्छाज्जा)

मुद्रणसमयापेक्षया प्रक्षिप्ते गाथे -

× गुज्जरसण्णगदेसे, अहम्मयावाअरायहाणीए ।
 से सूरिपयपइट्ठा, गुरुम्मि वारे सुहमुहुत्ते ॥३५१B॥
 (पच्छाज्जा)

मासम्मि मग्गसीसे, पडिहरिणेत्तदसवत्तणेत्तहे २०२६ ।
 आसी समुज्जलाए, दुइआए कम्मवाडीए ॥३५१C॥
 (पच्छाज्जा)

५२] मुनिवीरसेहरविजयविरइअ- [३५८ तः ३६७ गाथा

बासे भूवा-ऽक्खरसुअं-गेविज्जयणणेमिणाहभवराए ॥१६३॥
वीरा जोणितिमत्थय-लोयणअणुओगगंध२४६३मिए ॥३५८॥ (पच्छाज्जा)
सुक्काअ पंचमीए, तिहीअ जम्मोऽस्स भद्दवयमासे ।
वासम्मि सबभासा-ऽसमाहिठाणे २०१० णिवा दिक्खा ॥३५९॥
(सव्वचवलापच्छाज्जा)

मासम्मि मग्गसीसे, सिअतइअतिहिम्मि तम्मि चेवऽहे ।
सुक्कउत्थतिहीए, उवठवणा माहमासम्मि ॥३६०॥ (पच्छाज्जा)
तस्स विणेणं सिअ-दुवालसतिहीअ कामसहमासे ।
जाएण विदुदिणेऽद्धि-ग्गहंकचंदे १६६४ णिवा वासे ॥३६१॥
(पच्छाज्जा)

संभुणहे २०११ तवमासे, सिअदसमतिहिम्मि गहिअदिक्खेणं ।
जाउवठवणेण य उण, माहवमाससिअसत्तमीदिवसे ॥३६२॥ (पच्छागीई)
आलोइहं पयत्था, कम्मगंथाइसत्थकुसलेहिं ।
मुणिवरजयघोसविजय-धम्माणंदविजयेहि सह ॥३६३॥ (पच्छाज्जा)
जडमइणा वि विरइअं, देवगुरुकिवाअ विजयअंतेणं ।
मुनिवीरसेहरेणं, बंधविहाणं महासत्थं ॥३६४॥ (पच्छाज्जा)
जाउम्हाणपुरे वरे जिणगिहे, जाहे पइट्ठा सुहा;
ताहे फग्गुणमाससुक्कतइआ-ऽहे गुज्जरेऽग्गे पुरे ।
भूवा दोऽक्खिणहे २०२२ करग्गहजिणे २४६२, वीरा गए हायणे;
गंथोऽभू सिरिपालपुव्वणयर-त्थेणं समत्तो मया ॥३६५॥
(सहूलविककीडिअं)

परउवयाररयेहिं, जेहि पयारेण जेण केण वि जं ।
किं साहज्जमिह कयं, मे मण्णे हं सिमुवयारं ॥३६६॥ (पच्छाज्जा)
एत्थ सिआ छउमत्था, मंतिमदा वा जमागमविरुद्धं ।
किंचि बहुसुआ तं मयि काऊण किवं विसोइन्तु ॥३६७॥ (पच्छाज्जा)
॥ इति मुनिवीरसेहरविजयविरइअबन्धविहाणपसत्थी ॥

